

百癡  
禪師  
語錄  
五

C40  
4514  
(225)

C40-4514

了公羽上座請大藏及有  
家書置之於別室雲山  
我微矣塔院庭府中永  
為學者不敢許出院內  
當山二世鐵上機三誌



B 64853

百和尙語錄序

宗門之語語法也正所以語心也蓋此心法  
不容擬議不容限量審時度節隨因遡緣或  
語地或語人或語語或不語語乃稱獨步者  
曹溪而上莫以喻其前頌開來者太白而下  
反若窄其緒而不知語雖不同心無二心法  
無二法也惟心法昭而筆墨皆生動齒頰皆



支那

百和尙語錄序

馨香我法兄百翁悉備而光大之有才而若無才具識而若無識捷得心印而若一無所得廣傳賢聖而若一無所傳恂恂然一舉一動皆實心一咳一吐皆實意真不可語何嘗不語其似者似不可語何嘗必語其似者語所當語何嘗不語其真而似似而真者語所不當語何嘗必語其真非真似非似者總之

千百年之血脉流傳於此一語千百世之肩荷弘護於此一語此而猶得謂一人之事業乎此而猶得謂一世之文章乎吾披閱再四爽焉若失西江之可以一口汲也茫茫大海亦復如是東山之可以小魯登也巍巍泰山亦復如是吾深羨其如是竟不知其何以如是建瓴之水萬里濯足倒峽之勢千仞振衣

至於靜裏傳響冷地發燄尤在善解者迎其

办焉

昔

順治辛丑歲暮春穀雨日法弟無依道人

徐昌治觀周父盥題



百癡元和尙語錄序

入門竭驀頭棒滹沱宗祖垂手爲人處極直截痛快  
故正脉流傳愈久而愈光大百癡和尙從本師費老  
人棒下發明便能掀倒禪牀赤身擔荷歷數會開堂  
語要波瀾浩蕩機用縱橫電激雷轟星移斗換譬彼  
名藩宿將秉握威權而方城連帥無敢違越者嗣法  
弟子若干如明覺禪師憨公

今上特召入內談玄賜紫卽此益見師之爐鎚與尋  
常迥別所謂後猊產白澤哮吼聲高蒼筤接梅檀芬  
芳味遠樹祖壇之赤幟揚萬古之真風不其然乎讀

茲錄者另具一隻眼始得肯

順治己亥歲暮春朔日同門法弟轆轤道人嚴大叅

焚香盥手敬題



序

百癡大師三山獅子一代馬駒現光明拳照波若眼  
歷坐道場素縑傾慕洵可以遠吸曹溪邁躋大白者  
矣曩歲吾郡超果開席金鰲青虎之墟瓢衲膚至余  
獲晨夕覲侍其間竊稔師之爲人道韻困澄辯才臆  
發鉗鎚來學困徹婆心雖以轟雷激電之機而寓霽  
日光風之意豈蘊晚以來呈身長老杜撰宗乘黃茅  
白草之徒所得窺其涯涘者哉無何謝去屏跡谷水  
之陽萃藥羅牕楓蘆翳徑余輒拏一葦從之獲睹是  
編妙絕語言脫離窠臼因樂序而流通焉若以這鈍

漢爲濟川子韶者流能贊師一辭乎則慚媿一孟薑  
杏湯久已

順治庚子歲桂月之朔茸城學人弘尚單恂槃曇謹

序



百擬禪師語錄目錄

序文

卷第一

福建建寧蓮峰禪院語錄

建寧寶峰禪院語錄

卷第二

建寧百山景星禪院語錄

卷第三

浙江杭州皇崗太平禪寺語錄

杭州金山長慶禪寺語錄

卷第四

嘉興金粟山廣慧禪寺語錄

卷第五

嘉興金粟山廣慧禪寺語錄

卷第六

嘉興金粟山廣慧禪寺語錄

卷第七

嘉興金粟山廣慧禪寺語錄

卷第八

嘉興金粟山廣慧禪寺語錄

嘉興梵勝禪院語錄

卷第九

江南松江明發禪院語錄

卷第十

松江超果禪寺語錄

卷第十一

再住松江明發禪院語錄

卷第十二

松江明發禪院語錄

卷第十三

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

福建興化蓮山國權崇福禪寺語錄

卷第十四

示衆

金粟首座寮秉拂

卷第十五

小叅上

卷第十六

小叅下

入室

卷第十七

拈古

頌古

問答機緣

卷第十八

法語上

卷第十九

法語下

卷第二十

偈上

卷第二十一

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

偈中

卷第二十二

偈下

卷第二十三

啓

疏引

卷第二十四

書問

卷第二十五

說

卷第二十六

跋題

歌

辭

卷第二十七

贊

卷第二十八

佛事

銘

記

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

卷第二十九

行實

賦

序

祭文

卷第三十

雜詠

目錄終

百癡禪師語錄卷第一

嗣法門人超宣等編

福建建寧蓮峰禪院語錄

師於崇禎辛巳年十月初七日受眾紳衿請就院開  
 堂法座前拈疏云珠回玉轉百匝千重佛祖綱宗盡  
 在裏許煩維那道破令四眾咸知  
 指法座云寶華座最高層誰人敢踏上頭行新長老  
 今朝獨步廓然八面風清  
 拈香云者一瓣香巍巍乎如天普蓋蕩蕩乎似地普  
 擎爇向爐中端為祝延

當今世界主皇帝陛下聖壽萬歲萬歲萬萬歲伏願  
舜德逾新坐鎮金輪而致治堯仁廣運增綿神英以  
無疆者一瓣香光透仲尼日月瑞應上極星辰蕪向  
爐中奉爲闔國家僚文資武列建寧本道本府建甌  
兩縣諸位高官今日請至外護紳衿伏願克孝克勤  
作熙時之舟楫迺悠迺久壯法苑之干城者一瓣香  
不從別處收來祇於棒頭點出直得家傾業破至今  
沒地藏身蕪向爐中煇爲現住浙江嘉興金粟山廣  
慧禪寺傳曹溪正脉三十五世本師費隱客老和尚  
用酬法乳之恩遂歛衣就座上首白槌云法筵龍象

衆當觀第一義師云好箇第一義一槌打疊了也使  
爾罷釣理却相應設欲添花事無不可莫有乘時唱  
和者麼僧問第一義佛眼難窺龍象衆作麼生觀師  
豎拂云這裏薦進云直得上無攀仰下絕已躬師云  
祇恐不是玉進云曹溪波浪如相似無限平人被陸  
沉師云也須記取問如何是最初一句師云杲日當  
空僧禮拜云謝和尚指示師便打乃云當陽的旨今  
古該通直截根源聖凡統攝頭頭顯露物物圓成迺  
絕見知了無回互於此洞明得去不妨就地施設現  
處舉揚掀展鸞嶺家風揭開少林寶藏向霽天化日

之下以與泥豬疥狗共替昇平鳳子麟兒齊彰海印  
雖然如是猶未足稱衲僧意氣如何是衲僧意氣三  
尺龍泉光照膽萬人叢裏奪高標卓拄杖一下復舉  
寶壽開堂三聖推出一僧寶壽便打三聖云與麼爲  
人瞎却鎮州一城人眼去在寶壽擲下拄杖歸方丈  
師云至寰中正令握閫外威權寶壽固是作家簡點  
將來只得一半若據山僧見處當時待三聖恁麼道  
和聲亦與一棒要見賞罰分明上首復白槌云諦觀  
法王法法王法如是謝詞不錄下座  
立頭首執事上堂僧問越聖超凡則不問建功立業

事如何師云大家出隻手進云恁麼則安貼家邦去  
也師云不是苦心人不知乃云獨掌不浪拍獨虎不  
成群坐爲叢林主端的要弟昆弟昆旣端的也則有  
法必守有令當遵高低普應左右逢原逆順場中無  
呈礙相看扶起破砂盆

開爐上堂云平地畫關牢明瞞暗騙赤身就爐鞴附  
熱趨炎有不假鉗錐底衲僧出衆相見僧問大地完  
全一箇爐看來都是火柴頭還許學人爐邊添炭也  
無師云無汝湊泊處進云學人信手輕挑撥便解翻  
身動地流時如何師云許汝是個漢進云覲面何須

親付囑揚眉早已過新羅師云話頭也不識乃云火  
燄爲三世諸佛說法三世諸佛在火燄裏轉大法輪  
這般說話知他是有耶是無耶蓮峰若放過廁坑籌  
子瞞殺諸人若不放過諸人又覺皮焦面赤驀拈拄  
杖卓云看看今日事已到頭了也頑銅鈍鐵羨璞精  
金且入此紅爐中千烹百鍊他時成龍者躍天成蛇  
者攬草各各具一種神通也信未敢相負然雖如是  
寒猿夜叫巫山月客路繇來不易行

上堂僧問草鞋踏破已多年拄杖橫擔萬里天跛鼈  
曾吞三世佛賣來不值半文錢以坐具打圓相云學

人上來請和尚鑑師便打進云祇這箇還有麼師又  
打進云少年一段風流事只許佳人獨自知師云未  
必心頭似口頭乃云鴟睛射日鳳尾凌空樹染霜華  
分外紅無位真人攔不住誰家驀面喜相逢忽相逢  
門門有路路路通因憶當年臨濟老一堆屎橛動腥  
風遂掩鼻云欲避無從下座

上堂僧問如何是奪人不奪境師云有約不來過夜  
半如何是奪境不奪人師云閒敲棋子落燈花如何  
是人境兩俱奪師云千山鳥飛盡萬徑行蹤絕如何  
是人境俱不奪師云蓑衣竹笠翁獨釣寒江雪進云

料揀已蒙師指示向上還有事也無師打云且領前  
話乃舉鹽官示衆云虛空爲鼓須彌爲槌什麼人打  
得衆無對南泉云王老師不打這破鼓法眼云但道  
王老師不打自然是箇破鼓師云南泉法眼總是隨  
隊毬毬漢而孰知這箇鼓子完完全全縱使千槌萬  
槌也打伊不破蓮峰今日無事要擊一通與鹽官出  
氣遂拈拄杖卓一卓云還聞麼復擲下云若到諸方  
一任舉似

薦親請上堂欲薦生身父母須尋本有爺娘頂顛豁  
開正眼腳頭腳底全彰枯骨多年一齊鞭起覺靈不  
昧度以慈航直教箇箇達上方珊瑚樹語頻伽舃欄  
楯交羅放異光所以道刹那契本三有均資一念知  
歸四恩總報是汝今日還委悉麼潑天大路如絃直  
努力勤行尙未遲

上堂僧問如何是蓮峰境師云門映東溪水如何是  
境中人師云扶筇看落花進云人境且置達磨西來  
意若何師豎拂云向這裏薦取僧禮拜師乃云若向  
這裏薦得也達磨祖師喚來洗脚有分天下老和尚  
暮打八百朝打三千窮厮煎餓厮炒上刀山履劒樹  
蓋是尋常三十年後有般漆桶效恁麼去就亦怪伊

不得何故彼彼丈夫兒氣分決然相應然雖如是當門不用栽荆棘致使行人惹著衣

冬至上堂冬至月頭賣被買牛冬至月尾賣牛買被山僧牛幸有一頭且不必買被只有一領且無可賣無買無賣隨時自在直褻橫騎風流莫賽短笛沒腔信口吹金鞭遙指乾坤外大眾水牯牛來也切莫犯伊蹄角好便下座

上堂夫宗師提唱不在繁端就一境一機一字一句著著皆出身之路只是罕遺其人事弗獲已更爲你費盡口頭黑漆拄杖有屈無叫處豈不見藥山久不陞座院主白云大眾久思示誨請和尚爲衆說法山令打鐘至座前便歸方丈主隨後問故山云經有經師論有論師爭怪得老僧看這老漢果然勞而無功祇如今日懋院主設齋請山僧陞于此座鐘已打了也說已說了也又作麼生折合去良久云不可矢上再加尖也便下座

上堂天寒人寒言端語端直下便會有甚麼難普賢牀榻近文殊境界寬其或未然無事偶從廊畔過燈籠露柱也相瞞復舉僧問香林如何是衲衣下事林云臘月火燒山師云大小香林盡力只道到這裏

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百類雜記卷之九

九

臘八上堂僧問世尊纔出母胎便已稱尊何故又至  
雪山觀明星方為悟道師云禍不單行問今朝臘月  
八明星光爍爍堪笑老瞿曇觸著眼睛瞎師云汝自  
已分上作麼生僧喝師云好這一喝僧無語師便打  
乃云風剝剝骨稜稜夜靜一天星斗橫六載辛劬向  
這裏討箇合煞雖然拾得鼻孔未免失却雙睛帶累  
閻浮多少漢直至於今描也描不就畫也畫不成殊  
不知總是一盲引衆盲相牽入火坑仔細思量著真  
實可憐生喝一喝云男兒自有冲天志豈肯如來行  
處行

上堂十五日以前彷彿佛神頭鬼面十五日以後  
依稀稀鬼面神頭政當十五日視之弗見聽之弗  
聞且道是什麼物有眼辨手親底拈來一槌槌殺蓮  
峰賞你一錠金如無且任伊為孽為妖到處魔魅去  
也拽拄杖下座打散

聖節上堂僧問如何是祝聖一句師云芥子城中無  
盡春進云恁麼則一人有慶兆民賴之師云好音在  
耳人皆聳乃云至尊至貴至靈至異福澤遍寰區睿  
算等天地於斯時也香霏金爐簾垂玉殿班班鷓鴣  
稽首賀萬年之觴總總黔黎鼓腹樂無為之化即我

支那

五定報市居餘卷一

七

林下道人雖居四民之外亦少此箇恩力不得畢竟  
如何報荅舉拂子云少林一曲分明在頻對堯風舜  
日吹擊一擊下座

因雪上堂僧問大地山河一片雪當陽日照杳無踪  
如何是無踪一句師云換却闍黎雙眼睛乃云有梅  
無雪不精神有雪無詩俗了人山僧今日向大衆面  
前吟一首雪詩去也片片飛來碧寒光勢接天扁舟  
乘興者到此勿空還顧視左右云莫有和得者麼衆  
無對師云且去爐邊共度量再來方丈通箇消息  
歲旦上堂拈拄杖卓云斬新條行新令凜凜威風孰

敢競竊符樹幟底擬卽分身戴角擎頭底觸之失命  
不是強已抑人亦非欺凡罔聖大都真實丈夫兒脊  
骨繇來似鐵硬復卓一卓乃舉僧問鏡清新年頭還  
有佛法也無清云有僧云如何是新年頭佛法清云  
元正啟祚萬物咸新僧云謝師荅話清云鏡清今日  
失利又僧問明教新年頭還有佛法也無教云無僧  
云年年是好年爲什麼却無教云張公喫酒李公醉  
僧云老老大大龍頭蛇尾教云明教今日失利師云  
二尊宿一人道有一人道無雖則各展家風要且未  
能截斷這僧舌頭在今日或有問蓮峰新年頭還有

佛法也無驀頭便棒亦免伊向有無窠裏躲跟更欲如之若何但云蓮峰今日失利

春日謝衆檀護上堂僧問如何是賓中賓師云拋却故園春如何是賓中主師云藤條隨手舉如何是主中賓師云垂鉤取巨鱗如何是主中主師云雙眸無佛祖進云賓主蒙師指初春句若何師云草色半含青乃云茲當立春勝日且喜期事將畢爲愛諸老維摩用心到底貞實山僧乾索索地思量無物可以相酬記得衣內有一顆明珠不免乘時拈出對衆分付以兩手作捧珠勢云還委悉麼持去從教家大有能

藏日夕倍光輝遂拍手笑下座

解制上堂盡大地是箇蓮峰諸人向什麼處去盡大地被拄杖子吞却諸人又向甚處見蓮峰這兩轉語挨得透則昔日無結今亦無解結也禪板蒲團歷落分身世界外解也芒鞋鉢袋依舊不離碧山中威猱似虎活潑如龍動著些兒勢莫容是吾種草應知是迺可稱提向上宗拈拄杖卓一卓喝一喝下座

元宵上堂短巷長街銀花交燦遊郎舞女踏歌入雲明明耀古騰今歷歷超聲越色何必福城東際始見文殊樓閣門開方叅慈氏一透一切透一用一切用

雖然此猶是曲爲權宜之談更須識有人境俱奪向  
上一路卓拄杖云火樹踏翻人影寂從教大地黑漫  
漫

祈壽請上堂僧問耳順從心年已屆因齋慶讚句如  
何師云壽山千古峻雨灑愈深蒼進云可謂靈苗含  
秀色萬善法嘗光師云莫將鶴唳作鶯啼乃云設齋  
祈壽永靦面爲敷陳栢樹凌空翠桃花溪雨新年來  
此際春光好更有年來不盡春且道憑箇什麼便乃  
如是舉拂子云天道無親常與善人復舉龐居士云  
難難十石油麻樹上攤龐婆云易易如下眠牀脚踏

地女靈照云也不難也不易百草頭上祖師意師云  
父慈子孝夫唱婦隨卽不無三人但未免令人向難  
易不難易上作活計爭似城中王老居士偕令室陳  
氏一家之內和氣藹然也不說什麼難易不難易似  
這般還有祖師意也無須知廓落全彰事一對鴛鴦  
畫不成

上堂一拳拳倒黃鶴樓一趂趂翻鸚鵡洲衲僧家須  
與麼英特氣槩迺可撐門拄戶其餘委委曲曲磊磊  
苴苴盡是喫死飯漢欲續濟北炬赫宗枝太遠在蓮  
峰不懼諸方笑恠自有護身符子分付諸人畢竟作

麼生取用拈拄杖卓一卓喝一喝  
退院上堂未有常行而不住到頭雲定覓山去未有  
常住而不行畢竟春回草自青爲無爲益無益子規  
啼血滿花枝耐行人歸未得馬大師與麼語話山  
僧胡亂註破了也且道今日行的好住的好良久云  
長安雖樂不是久居便下座

過寶蓮山緇素請上堂一機撥轉萬象平沉一句拶  
開千差靠倒所以道佛法本無許多省要處不消一  
剗龐居士於馬駒言下契悟雲門被睦州推得脚折  
自非其人安明其事山僧借路經過亦要諸人共知  
畢竟還有得力句也無喝一喝

建寧寶峰禪院語錄

師於崇禎壬午年二月十八日入院至山門基云十  
方無壁四面無門祥麟瑞鳳一任騰奔舉起拄杖云  
還識漫天網子麼

佛殿云盡令去也瞿曇老漢亦須倒立下風若論仁  
義道中且禮三拜

方丈云有者掩室有者默然雖則坐斷千差未免引  
人墮在鬼窟裏山僧要出他一頭地更不如是施張  
何故快入驚人浪方逢稱意魚

上堂拈香云此瓣香乾坤合其德日月合其明蕪向  
爐中端爲

當今皇帝祝嚴聖壽伏願蘿圖寶祚彌億萬年玉葉  
金枝亘河沙劫此瓣香王庭柱石佛國垣屏奉爲建  
寧諸位高官伏願福海增深壽山益峻此瓣香得時  
入骨痛難忍觸著傷心恨不銷二回拈出端爲現住  
金粟堂上本師費隱容老和尚蕪向爐中使天下衲  
僧共知些兒氣息上首白椎竟僧問昨日蓮峰住持  
今朝寶峰和尚不涉二邊請師道看師云無孔笛吹  
雲外曲進云恁麼則頭頭非取捨處處沒張乖師云

知音能得有幾人乃云未到此間不妨令人疑著及  
乎到來眉毛依舊烏翠嶺地向這裏見得諦信得及  
山川草木總屬尋常老幼賢愚一味平等同彼同此  
無是無非渴飲饑餐隨緣任運更說甚佛法玄妙菩  
提涅槃直饒臨濟當前也開臭口不得政與麼時共  
樂昇平一句如何話會碧桃色醉千峰外社舞邨歌  
處處春復舉法燈和尚云本欲深藏巖窟隱遁過時  
蓋綠清涼老人有未了底公案出來爲他了却時有  
僧問如何是未了底公案燈拈起拄杖云祖禰未了  
殃及兒孫僧云過在什麼處燈云過在我殃及你師

云山僧才疎德薄微志寔欲如斯只爲受我本師之囑不可恁麼便休故雖山屋數間亦勉強作這般蟲豸或有恐後不禁底出來互相激揚正好喫山僧手中拄杖因甚如此不見道祖禰未了殃及兒孫卓拄杖下座

添濱護法請上堂僧問應以此身得度者卽現此身而爲說法今日居士到來如何相見師云不敢相瞞進云雲月雖同爭柰溪山各異師云闍黎道亦著僧禮拜師云得箇驢兒便喜歡乃云諸佛關樞祖師巴鼻歷落當前如火聚驀拈拄杖云喚作拄杖則觸

不喚作拄杖則背灼然此箇說話實無針鋒許與人作道理搏量惟要夙根利智纔聞舉著便乃倒轉鎗頭方不辜從上牙爪政恁麼時安家樂業一句如何道寬懷共坐和風裏擺手長歌添水濱遂靠拄杖下座

上堂春眠不覺曉處處聞啼鳥衲僧家總道我會夜來風雨聲花落知多少十箇有五雙却數不出須知數不出底點滴幸自分明總道我會底未免等閒蹉過山僧不是拗直作曲亦非補短裁長諸人若也不且試請當前斷看

上堂作家宗匠俊俏禪流互賓互主全放全收橫身  
猛虎口措養毒蛇頭自是伊之嘗分初不假於他籌  
何以故金鏃慣調曾百戰鐵鞭多力恨無譬乃舉烏  
曰問僧近離甚處僧云定州曰定州法道何似這  
裏僧云不別曰云若不別更轉彼中去便打僧云棒  
頭有眼不得草草打人曰云今日打著一個也又打  
三下僧便出曰云屈棒元來有人喫在僧轉身云爭  
柰杓柄在和尙手裏曰云汝若要山僧回與汝僧近  
前奪棒打曰三下曰云屈棒屈棒僧云有人喫在曰  
云草草打著個漢僧便禮拜曰云却與麼去也僧大

笑而出曰云消得恁麼消得恁麼雪竇頌云呼則易  
遣則難互換機鋒仔細看劫石固來猶可壞滄溟深  
處立須乾烏曰老幾何般與他杓柄太無端師二呼  
遣雙彰機鋒互換雪竇滿口讚歎則固是爲什麼未  
後又道與他杓柄太無端還委悉麼鷓鴣蚌相持俱落  
漁人之手  
上堂茲者蓋爲聖龍寺裏諸禪人及衆居士臨時逼  
請陞座山僧肚皮內并不曾打點一箇元字脚然雖  
如是未可辜負來機且借拂子展些少神通去也遂  
豎起拂子云還見麼擊香几云還聞麼卽此見聞非

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

懸述

見聞無餘聲色可呈君石廳經雨莓苔濕杜宇啼高  
欲斷雲復擊一擊下座

上堂四月芳郊烟雨足今朝恰恰是初六畫堂紫燕  
語呢喃露出瞿曇真面目大丈夫漢一等踏破草鞋  
何不向瞿曇未降生以前直下承當認取自家境界  
如龍得水似虎靠山自然風颯颯地天下人没柰汝  
何若隨他脚跟轉落七落八莫怪瞿曇饒舌與山僧  
互相熱瞞好便下座

佛誕上堂僧問一言截斷于聖消聲一劔當前橫屍  
萬里聲未絕師便打僧復進語師連棒打退乃云無

憂樹下生悉達九龍吐水鷲頭潑千年後有老雲門  
白棒拈來要打殺解打殺風平浪靜乾坤濶打不殺  
惡草毒花仍舊發引得一隊小嘍囉豎四橫三開漚  
漚開漚漚誰止遏山僧力薄每自慚深心且以奉塵  
刹卓拄杖下座

請上堂萬法是心光諸緣唯性曉本無迷悟人祇要  
今日了且了底事作麼生亡過尊嚴於一毫端頓超  
蓮界現存慈氏於萱幃內末享遐年人人喜氣盈眸  
處處和風遍野成無量殊勝奇特作不可思議功勳  
苟能如是又何必山僧重說偈言呼南喚北相逢同

支那

百景雜詩卷第一

七

入普光殿無相身爲盧舍那復舉西天祖師云父母非我親誰是最親者諸佛非我道誰是最道者雲蓋本云父母非我親無有不親者諸佛非我道無有不道者于巖長云父母非我親我亦非親者諸佛非我道我亦非道者師云三箇無孔鐵鎚就中一箇最重山僧則不然父母非我親眼裏耳裏絕纖塵諸佛非我道十字街頭鬧浩浩等閒覷透這重關或是或非盡靠倒盡靠倒頭頭總屬自家寶卓拄杖下座  
生日請上堂設齋之意不過爲我慶誕而已衲僧家有何誕可慶哉進一步築碎威音腦門退一步踏折

彌勒脊骨不進不退坐在諸人眉尖眼睫上於此個儻分明方知道人人有箇生緣處認著依然還失路長空雲破月華明東西南北從君去大小真淨字經三寫烏焉成馬喝一喝  
端午上堂僧問丈六金身全世界一莖草上現瓊樓一莖草上則不問如何是端陽佳節師云門懸蒲劍碧楞楞進云處處共知佳節好人人盡唱採蓮歌師云你還唱得麼進云五音六律一齊宣師云錯下板拍乃云五月五日端午節山僧默念真秘訣拄杖倒將艾虎騎驚起鬱壘頭破血白舌消赤口滅見者聞

者悉歡悅獨有殿左緊羅王握手當胞罵不輟爲什麼太把機關都漏泄復舉文殊一日令善財採藥云是藥者採將來善財徧採無不是藥却來白云無不是藥者文殊云是藥者採將來善財拈一莖草與文殊文殊提起示衆云此藥亦能殺人亦能活人師云善財解採藥文殊解用藥採用卽無差阿誰病喫著而今在山僧手中不免盡行布施遂拈拄杖下座一齊打散

因吳滌濱居士上堂梅熟亞枝黃雲開列嶂紫以我爲隱乎吾無隱乎爾老仲尼面孔已在這裏橫三豎

四諸人還覷捕得麼若不然者寶峰更爲撥沒絃琴向他家裏人說他家裏話乃橫按拄杖作撫琴勢云上大人丘乙巳化三千七十七爾小生八九子佳作仁可知禮也良久云是什麼章句高山流水非同調一任知音笑點頭

上堂鹽荒米貴厨庫生塵一等茄子瓠子識甚麼苦辛寶峰無奈祇得硬撐到底仔細看來也有些兒勝過俗人且如何是勝過他處蒲團獨坐乾坤大鼻孔分明搭上唇

上堂因意立言就言明意深深淺淺易知淺淺處

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

照進

百衲師詩集卷第一

七

深深有味檻外一鷄啼塔前萬木翠此是當人真實  
機灼然無忌亦無諱無忌諱汝我總同類莫向途中  
摘葉枝兩眼撐開似打睡復舉仰山問馮山云如何  
是祖師西來意馮云大好燈籠仰云莫只這箇便是  
麼馮云只這箇是什麼仰云大好燈籠馮云果然不  
識師云馮山父子得則全得失則全失有道得伊得  
失句也許汝親見寶峰寶峰章馮山來未共同  
上堂拈拄杖云這一條活路三世諸佛共行底歷代  
祖師共證底現前大眾共把臂往來底既共在此往  
來途中之事理合分明為什麼路傍邊有人索取公

驗無可抵對良久云假鷄聲韻難謾我未肯模糊放  
過關卓一卓下座

上堂欲識寶峰寶須見寶峰人既見寶峰人須取寶  
峰寶且寶峰寶作麼生取有時拄杖頭有時荒草裏  
鑽之已彌堅提兮提不起能於提不起處一提提得  
噫元來是汝大家從前受用底雖然山僧猶未肯甘  
心更要奪却汝在

秋日上堂竹簟寬鋪暑氣清坐餘扶策繞雲行欲知  
大地咸秋信試聽空塔葉落聲擊拂子下座擊拂子  
薦巖請上堂敲空作響喚回浪子歸家擊木無聲解

支那

百衲師詩集卷第一

七

使髑髏瞪眼烏龜向火通身烈焰絕遮藏確紫生花  
一道馨香超劫外亡過尊靈就這裏透脫去便見前  
溪月落大野雲收本有靈光自繇自在雖色聲頭上  
坐臥色聲不能染汚雖生死海中優游生死不能籠  
罩然山僧與麼告報大似移華兼蝶至買石得雲饒  
禪流若善叅詳騎佛殿出山門拽新羅國與占波闍  
額也只是家常茶飯是則固是祇如亡過尊靈且道  
還叫得應麼擊拂子云天涯踏遍無尋處觸著毫端  
吼似雷

中秋上堂僧問中秋節屆皓月當空家家望月未知  
月落何處師云一人舉首一輪明進云月既當空明  
周沙界爲什麼暗處不照師云自甘覆盆下怪伊又  
争得乃云十五日以前止不須說十五日以後我  
法妙難思政當十五日風清月朗浪靜波恬東村王  
大伯三文錢買箇餠喫了肚裏飽餉餉直得手之  
舞之足之蹈之抑揚而歌曰中庭地白樹棲鴉冷露  
無聲濕桂花今夜月明人盡望不知秋思在誰家山  
僧偶忽入耳熙熙焉陶陶焉恍神遊乎華胥之上是  
汝諸人還覺面門熱癢麼喝一喝  
上堂戴角披毛拖犁拽耙業債相拘牽說起令人怕

既足令人怕爲什麼箇箇偏要撞入這群隊裏天網  
恢恢疎不漏果然是汝自招來

請上堂僧問返照初心一點圓人間天上壽無比如  
何是初心一點師云分明獨露簾幃外進云還假莊  
嚴也無師云又且何妨進云有意氣時增意氣不風  
流處亦風流師云滿口道著乃云道遠乎哉觸事而  
周祇因不薦別處尋求苟薦也明鏡臺前十分光彩  
紫羅帳裏無限風流乾坤廓落沒涯岸任運縱橫得  
自由復舉龐行婆入鹿門寺作齋維那請疏意回向  
婆拈梳子插向髻後云回向了也便出去師云龐婆

恁麼做次不妨動衆驚群爭似困溪吳信女足弗離  
閨闈中已來寶峰設供亦不待維那請疏意回向已  
是完成且完成一句如何道福城東際近瑞氣自雲  
臻

重陽上堂拈拄杖卓云這裏是妙高峰頂諸人曾登  
陟一回也無大丈夫漢個個眼似銅鈴想必不居人  
後雖然忽有問妙高峰頂事又作麼生抵對莫是落  
霞與孤鶩齊飛秋水共長天一色麼莫是昭昭於心  
目之間而相不可覩晃晃於色塵之內而理不可分  
麼若與麼抵對猶屬半途未識妙高峰頂事在畢竟

如何極力爲君說不得到頭自肯廼方親復卓拄杖  
下座

上堂拈花微笑誑講人天面壁安心無瘡剗肉黃梅  
夜渡自惹災殃南嶽磨磚糊鉢伎倆直饒入門便棒  
猶是皮袋裏藏身見僧便喝總在聲塵中出沒其餘  
談玄嚼妙豎教明宗如竹葦稻麻何足掛齒寶峰門  
下無道可學無禪可叅一切隨緣坐消歲月任他諸  
方鬧浩浩我只白眼踞青松衆中或有知機識變底  
自然不相辜負脫若依前作解把纜放船爭怪得山  
僧

同薦親請上堂塵世乾坤窄蓬壺日月長乘緣能擺  
脫舉步到家鄉家鄉旣到則無生死之名亦無垢淨  
之相凝然湛寂不動不搖過去諸佛現在諸佛未來  
諸佛盡在箇裏交光相羅如寶絲網政恁麼時且道  
馬李二姓嚴慈還見麼若然弗見可謂一片白雲橫  
谷口幾多歸鳥自迷巢元上座不免借般若力爲伊  
點破去遂墜拂云祇這是莫沉吟人人勢至個個觀  
音當陽一句沒攔蓋雨過夜塘秋水深復擊香几下

座

上堂聞名不如見面遠親不如近鄰冷地忽來添炭

思量真箇可人無盡意菩薩於百草頭上化度有情  
偶觸著山僧拄杖子亦相與合掌讚揚歎未曾有且  
畢竟讚揚箇什麼近日生菜兩文一斤白米九分一  
斗各自宜爾室家莫管前前後後所以道榮辱常隨  
騎馬客是非弗到釣魚翁汝等今日還肯如是說也  
無拍膝一下云龍蛇易辨衲子難瞞

退院上堂世人住處我不住世人行處我不行不是  
與人難共住大都緇素要分明古德恁麼道可謂孤  
迥迥峭巍巍千古莫並其風山僧此者則不然世人  
住處我已住世人行處我已行而今緣盡開交也笑

指前途螺髻青倘有不肯底出來道和尚便恁麼去  
那祇向他道我爲法王於法自在

到九僊獅子窟上堂獅巖路近九僊家古栢如虬絢  
彩霞乘輿攀藤窮絕頂天風吹落杖頭花大衆那箇  
是杖頭花試揀擇出來看良久云荒草紆蔓人不見  
淒淒歸路夕陽斜

到雲居上堂僧問雲居山頂一輪月未審何年照何  
人師云今古應無墜分明在目前進云學人已知爲  
什麼舉頭不見師云汝欲瞞山僧那進云痛領一棒  
去也師打云也少不得乃云心外無法法外無心頭

撰述  
頭合路不用別尋峭壁石爲鏡懸巖水作琴一段眞  
風我已曉啣華白鳥是知音山僧偶到這裏題目盡  
情顯露了也莫有鼻孔遼天更進一步者麼如無還  
汝雲居山景好明朝扶策過西岑便下座

嘉興府海鹽縣劉門朱氏法名起浩捐貲  
助刻所先嚴養朴公先慈呂氏張氏早生  
蓮界者

百癡禪師語錄卷第一終

百癡禪師語錄卷第二

嗣法門人超宣等編

建寧百山景星禪院語錄

入院指山門云解脫門不二門門門相似最初一步  
畢竟從這裏入

佛殿云釋迦已滅彌勒未生政當恁麼時把柄在阿  
誰手裏撒開坐具云欲識是非面目現在

據室云此箇去處任是鐵額銅頭也須走避山僧今  
日人事冗忙且放過一著

上堂指法座云須彌燈王已顯露本分事了也若要

撥轉上頭關試再看依模畫樣

拈香云這瓣香端爲祝延 今上皇帝聖壽萬安伏願弓矢橐而璣衡潤民物阜而曆數長這瓣香奉爲滿朝文武建寧合郡尊官伏願補袞卽仲山調羹乃傳說這瓣香謂有所事則埋沒我謂無所事則埋沒他而今總遮掩不得三回拈出端爲現住金粟本師費隱容老和尚以酬法乳遂攝衣敷座上首白槌云法筵龍象衆當觀第一義師云自歎無緣用直鉤魚鰕貪餌不相投蓑衣欲脫風前睡又恐金鱗觸釣舟莫有負命者請出衆相見僧問高提祖印駕臨百山

斬新條令一句作麼生道師便打進云宗風輝千古今朝事轉新師云且得上座領話進云祇如李居士設齋禱嗣未審和尚如何度讚師云桂子月中落進云恁麼則麟趾振振爪蹏綿綿去也師云一任將花錦上添問孤峰頂上眠雲辜負先聖十字街頭垂手埋沒宗風今日來赴景星意作麼生師云坐斷天下人舌頭進云直得乾坤廓落無邊際杲日當空宇宙明師云又是重說偈言乃云從上來事迥絕言詮凜凜神威如玉寶劍與麼與麼萬里人荒不與麼不與麼金鑰莫辨然事無一向山僧曲爲諸人八字打開

去也遂豎起拂子云還委悉麼乾坤以此覆載日月  
以此照臨嶽瀆以此峙流群靈以此生育諸佛以此  
出世祖師以此西來聖明以此端拱馭民士庶以此  
安家樂業風光廓爾徧界無遺亘古亘今絲毫弗易  
且應時及節一句如何道擊拂子云景星纔示現八  
表納雍熙復舉僧問百丈如何是奇特事丈云獨坐  
大雄峰僧禮拜丈便打師云一問一答賓主歷然這  
僧禮拜雖非好心爭柰百丈棒頭有眼今日或有問  
山僧如何是奇特事祇向他道李居士禱嗣設齋僧  
若禮拜但云已後莫相辜負好下座上首復白槌云

諦觀法王法法王法如是

上堂僧問諸佛說不到處請師直指師舉拂子進云  
恁麼則未開口以前早已七華八裂也師云被汝勘  
破僧喝師便打乃云松直棘曲鳧短鶴長本自成現  
觸處全彰百山這裏不動一鎗一旗祇管坐地看楊  
州似恁麼還稱得諸人意也無設稱得諸人意袖手  
傍觀阿誰不會不稱得諸人意水南石塔笑殺闍黎  
其或別有生涯亦只構一半在要分付鉢袋子謝三  
娘秤銀

冬至上堂書雲令節喜届今朝君子道長小人道消

若是衲僧活計端的不在裏許何也拄杖如龍活潑  
潑風軒竹徑任逍遙

上堂舉一不得舉二放過一著落在第二我密雲師  
翁擲下拄杖云落二去也且一又如何舉將蝦釣鼈  
又我本師老人云山僧舉一了也諸人如何委悉明  
破則不堪百山則不然舉一不得舉二放過一著落  
在第二遂拈拄杖卓一卓云且道是舉一耶舉二耶  
具眼者辨取

臘八上堂僧問指地指天成賣俏觀星說悟更無慙  
悟卽不無爭柰落第二門如何是第一門師云星前  
薦取進云恁麼則未出母胎猶較些子師云莫隨人  
語好進云自有一雙窮相手不曾容易舞二臺師云  
是玉也大竒乃以拂子打圓相召衆云明星出現也  
還見麼若也見得已落在釋迦老子圈續裏何故爲  
伊道箇一切衆生具有如來智慧德相在若也不見  
亦落在釋迦老子圈續裏何故爲伊道箇但以妄想  
執著不能證得在見與不見拈向一邊又落在百山  
圈續裏衲僧家尋常口吧吧地盡道知有及至結角  
羅紋之處便爾轉身不得畢竟病在於何祇爲未有  
透頂透底的時節百山今日不惜身命教諸人透頂

透底去擲拂子下座

請上堂行年五十八預慶六旬壽此念切且真何愁  
天不祐菱華映水清錦帆連山秀一句語無私分明  
已漏逗復舉鄭十三娘隨師姑到大瀉次纔禮拜起  
瀉便問這箇師姑甚處住姑云南臺江口住瀉喝出  
又問背後老婆甚處住十三娘放身近前叉手而立  
師云盡道師姑不諳大瀉語脉較十三娘猶欠一步  
殊不知大瀉家風總被這師姑勘破祇如茲者張信  
女隨師姑到山諸人還識他住處麼驀拈拄杖卓云  
門依古岸松千朶更有寒溪玉一灣

春日上堂學道有何方便隨時畧通一線萬紫千紅  
總是春大都要識東風面東風面如劈箭良久云覓  
則知君不可見

聖節上堂會萬物爲自己者其惟聖人乎是故聖人  
在上不言而化無爲而治風以調雨以順五穀熟兆  
民安適當誕彌之日政普天懽怍之時共傾葵藿丹  
心仰祝無疆睿笑一句作麼生道驀起恭身叉手云  
皇帝萬歲萬萬歲  
歲旦上堂說新說舊未離窠臼分有分無枉費工夫  
須知這最初一著坐斷千差無有無可分亦無新舊

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

無述

可說但能於未啟口以前退步就已一踏踏得元來  
正月初一日是箇歲旦風蕩蕩日熙熙柳綠桃紅錦  
繡圍無限春光收拾盡相呼相喚大家歸

元宵上堂去歲元宵節無月亦無燈今歲元宵節燈  
與月俱明觀音菩薩文殊大士盡在光影裏發現是  
汝諸人切莫將耳朵作眼睛且如何是眼睛喝一喝  
云當堂不委悉猶待曉鷄鳴復舉藥山謂雲巖云與  
我喚沙彌來巖云和尚喚他作麼山云我有箇折脚  
鐺子要伊提上孛下巖云恁麼則與和尚出隻手也  
師云動絃別曲告徃知來藥山父子作家千古讚歎

有分山僧更與一頌燈華月彩漾悠悠可是無人解  
唱酬獨許嬌郎諳此意相將攜手步高樓

上堂汾陽門下有三種獅子一者超宗異目二者齊  
眉共躅三者影響音聞在今時中不敢望其超宗異  
目壯佛祖威風卽或得一齊眉共躅亦堪爲克家種  
草若是影響音聞底向百山手裏打殺萬萬千千有  
甚麼過何故免教倚勢而欺人帶累世間買假不買  
真以拄杖卓一卓下座

佛涅槃日上堂生不惜莖眉死猶露雙脚一等賣風  
流令人常憶著休憶著年年二月十五時遍地華開

支那

引禪師語錄卷第一

六

紅閃爍擊拂子下座

還山上堂僧問未有長行而不住祇如和尚出山時  
還曾離方丈也無師云任汝疑著進云未有長住而  
不行祇如今日回來時還曾離途中也無師云亦任  
汝疑著進云離却去來請和尚別道一句師云頭戴  
天脚履地僧禮拜師乃云負傑出之才架千鈞重弩  
靈機透發盡大地人躲避不過有般漢聞與麼道便  
鼻孔裏冷笑調山僧慣說將無如有底話殊不知髑  
髏上中箭了也事弗獲已且作死馬醫亦要箇箇解  
恁麼始得復舉黃龍南禪師還山有頌示衆云去時

一溪流水送來時滿谷白雲迎一身去住非去住二  
物無情似有情師云白雲重重流水溶溶迎來送去  
樂在其中山僧前月十七下山今朝初二還山這般  
景色豈是無耶蓋爲常住之物不敢私自用雖然  
試效顰一偈舉似大衆去時如是去來時如是來去  
去來來非別物白雲流水空悠悠哉空悠悠哉數員窮衲  
子依舊復徘徊

上堂千句萬句只是一句作麼生是這一句良久云  
父母所生口終不爲汝說便下座

佛誕請化士上堂世尊初降生時手指天地周行七

步目顧四方云天上天下惟我獨尊好箇大力量漢  
疋馬單鎗要尋一對手可惜弗遇其人後來雲門道  
一棒打殺與狗喫貴圖天下太平雖則勇冠三軍爭  
柰輸機落後而今若有具與麼力量出去決戰一番  
百山只可擊鼓揚旗爲伊助陣且使得勝之日歌謠  
滿路寧不快哉遂左右顧視云有麼有麼良久云莫  
道無下座

送化士上堂僧問藥山化主著賊病在甚麼處師云  
病在隨他語脉轉進云已後或有人恁麼問亦捨銀  
兩錠和尚作麼生道師云不妨說多謝乃云遊魔宮

入虎穴迺英流之願力衲子之風標風標旣立願力  
又堅院內事何憂不辦所以山僧今日將一條斷貫  
索迺與諸方化士隨去行持但有進前者鼻孔卽便  
穿却豈不見佛果老人道撥轉千差向上機撓旗奪  
鼓不饒伊翻身踞地全生殺始是金毛獅子兒卓拄  
杖下座

生日請上堂僧問父母未生前一著落在何處師豎  
拂子進云還有麼師云從來祇是這箇乃云窮和尚  
慶壽日裸形國裏贈服飾諸君太煞不知情帶累山  
僧面門赤大衆此是我金粟老人道底爲什麼今日

拈來作自己用不見道面赤不如語直

請上堂一葉長溪渡帆高兩岸懸水中魚躍樹雲外  
鳥呼天俯察頭頭妙靜觀物物玄何須來這裏聽說  
脫空禪所以道諸人未入門時一句子已向汝舉揚  
了也更待與問酬荅霧涌霞蒸舌頭被人撥翻眼睛  
被人換却說箇西祖意古佛心父母生前本來面目  
大似節上生節枝上抽枝要見直截根源遠之遠矣  
雖然一槩與麼去我等今日飯也無喫政當此際自  
慶一句作麼生道舉拂子云一枝橫亞清波上引得  
遊蜂上下忙

端午上堂時逢五月節屆端陽菰黍家家歎蘭湯處  
處香惟我衲僧多冷淡更無餘物可商量然雖如是  
就中却有箇好處且道好在什麼處乃豎起拂云辟  
兵符長命縷總在這裏若人信得及去管取千妖遁  
跡萬吉來臨脫或未能有寒暑兮促爾壽有鬼神兮  
妬爾福

薦巖請上堂生從何來曲沼荷花五月開死從何去  
乳燕呢喃語不住去去來來合本人生生死死有根  
據若能一念早回光便識自家安立處已故華庭姚  
公耆善還識得安立處也未以拂子畫一畫云脫體

無依在此行違邦穢土莫疑慮復舉洛浦示衆云孫  
贖收舖去也有卜者出來時有僧出云請和尚一卜  
浦云汝家爺死僧無語法眼代拈掌三下師云洛浦  
開大卜舖善斷吉凶可惜這僧不還卦錢帶累傍人  
拈掌今日這裏則不然孫贖收舖去也有卜者出來  
忽孝子出云請和尚一卜祇向他道汝家爺活大衆  
他家爺已死爲什麼却道活豈不聞乎七十一年名  
著於鄉善士之風山高水長遂搖曳拂子下座  
上堂萬法歸一一歸何處山僧恐俊不禁向六月天  
下一陣大雪去也遂擲拄杖下座

上堂七月十五日諸方畫解夏百山從本不曾結解  
箇甚麼旣已無可解又要說箇甚麼然今日特地擊  
鼓陞堂若弗爲諸人說未免龍頭蛇尾不如且說箇  
應時及節底話金風扇野素月流天高柳蟬嘶遠溪  
水碧幾處踈砧殘夜後數聲短笛畫樓中似這般還  
有佛法道理也無忽然撞著箇漢拍手道和尚和尚  
此正是龍頭蛇尾又作麼生咄百山不如是草深一  
丈多少時也便下座

中秋上堂吾心似秋月碧潭光皎潔無物堪比倫教  
我如何說大小寒山話作兩橛了也百山此者要別

添些光彩决不學這般見解驀呈拂子云政當恁麼時且道是月耶是心耶是說耶是不說耶良久云可惜無人知此意風前令我憶南泉

重陽上堂僧問如何是佛法大意師云今朝九月九遍地菊花香問百山峰頭更進一步時如何師云惟我獨尊僧禮拜云若不泛舟焉知海濶師云跌倒了也問重陽節屆菊蕊未舒請和尚連槌羯鼓師敲拂子進云好一部天工手師云道著也不妨乃云籬東逸菊正舍金底事分明絕覆沉堪笑龍山落帽者逢人猶自醉吟吟

請兩序上堂建法幢立宗旨必藉一二有道者協力同心互爲臂肘叢林方可振作若不如是亦難矣哉所以道欲行恁麼事須有恁麼人既有恁麼人須行恁麼事恁麼人已見恁麼事已行畢竟完全一句如何道孔夫子云歲寒然後知松栢之後凋也卓拄杖下座

開爐上堂僧問百山平地起干戈處處叢林布網羅千里同風則不問無爲化象是如何師云風蕩蕩日熙熙進云恁麼則法王登寶座四衆共謳歌去也師云亦要知恩始得問選佛場開十方聚會未審和尚

選什麼人爲佛師云大家有分問繇來四海平如砥  
如何特地鼓風濤師云爭怪得山僧進云忽然衝風  
觸浪時如何師云汝試施設看僧推座師打退乃云  
就地開爐韝信手用鉗鎚逼拶當人沒避處都要心  
空及第歸苟及第歸也則河海晏清家國安恬群靈  
景仰弗及諸聖讚歎靡由政當恁麼時如何施爲動  
轉渾無碍一點恩波散作霖復舉趙州示衆云我向  
南方行脚時火爐頭有箇無賓主句直至如今無人  
舉著師云趙州與麼道可謂掬水月在手美花香滿  
衣今日黃孝廉的的入山百山火爐頭有箇賓主句

不免對衆舉出且作麼生是賓主句還委恁麼覲面  
相呈無向背惟人自肯迺方親

上堂官街驛路不禁夜行李四張三時時撞著衆兄  
弟似這般太平世界也實難得耐長沙岑大蟲偏  
學惡賴到處敲人家豬狗雪峰鼈鼻更與隨群作隊  
助其威風驀拈拄杖云而今總收在山僧拄杖頭上  
已後分毫不敢妄動然雖如是無事莫將容易過古  
今曾悞幾人來卓一卓下座

尼超方請上堂僧問不下笠子勘俱抵請師分明通  
一句師舉拂云何似生進云砥如尼撩起便行未審

具什麼眼師云頂門亞一隻進云可謂千峰勢到嶽  
邊止萬派聲歸海上消師云闍黎分上且喜沒交涉  
問大事未明如喪考妣和尚已明如喪考妣作麼師  
云被闍黎帶累尼問是法住法位世間相常住如何  
是常住相師云師姑原是女人做乃云宏機獨唱地  
覆天翻正令當行星飛電捲惟許超方作者始透關  
牢倘或鼠膽之流望崖何啻事弗獲已未免按下雲  
頭道箇山是山水是水男是男女是女僧是僧俗是  
俗各住其位各安其居有般沒鼻孔底又却向背地  
裏冷笑謂百山愛說老婆禪好與三十拄杖是卽也

是百山總未甘在何故驅耕奪食渾閒事帶水拖泥  
看轉難

上堂僧出位擬問師云若是久經行陣者何須立地  
念篇章便下座

冬至上堂僧纔出師舉拂云一線陽春曲繇來和者  
稀闍黎還和得麼僧云月色和雲白松聲帶露寒師  
云未是知音者僧佇立師云且退問如何是冬來意  
師云幾點梅花帶雨開僧禮拜云去也師云得閒折  
取一枝好乃云群陰消剝盡忽地轉和陽葭管吹灰  
煖梅梢噴雨香不是世諦流布亦非佛法商量君不

見疎山老善舉揚有人叅問冬來意向道京中出大  
黃復舉僧問趙州學人乍入叢林乞師指示州云喫  
粥了也未僧云喫粥了也州云洗鉢去其僧有省師  
頌云粥罷令伊洗鉢孟天風不費巧工夫時來自解  
翻身去萬里江山啟畫圖

上堂明如杲日寬若太虛不可以識識不可以知知  
百山山裏三十年前有箇竒怪精靈迸出頭來直得  
山崩地坼過後杳不見形踪驀拈拄杖云看看如今  
又出頭來也是汝諸人還有住脚處麼便下座一齊  
打散

李弘英弘彥慶父誕上堂僧問從心之歲古稱少今  
朝海屋喜添籌如何是因齋慶讚一句師云拄杖糶  
糶八尺長進云恁麼則山靈共祝無窮壽海衆同瞻  
壽日明師云不似山僧說得親乃云壽似虛空亘莫  
量壽如松柏迥蒼蒼壽猶巨海不枯竭壽比靈龜算  
倍長以此稱壽可謂至矣然虛空松柏猶有焦殞之  
期巨海靈龜豈無終盡之日不如就人人本有底鋪  
華錦上去也遂豎起拄杖云祇這箇人人本有今古  
常存先天地之未先照日月之未照五行不能迭變  
四序難以推移如是則虛空松柏在裏許巨海靈龜

亦在裏許卽欲覓其虛空松栢之相巨海靈龜之名了不可得旣皆了不可得要山僧滿口讚揚成箇什麼要山僧不滿口讚揚又成箇什麼未免闕奏一偈再爲舉似年來七十樂怡怡英彥堂前舞綵衣一曲笙歌無限好仙桃仙李帶春飛卓拄杖下座

上堂僧問三聖道我逢人則出出則不爲人意旨如何師云帶水拖泥進云興化道我逢人則不出出則便爲人又作麼生師云千峰壁立進云和尚今日是出不出是爲人不爲人師云一任觀瞻進云恁麼則倒拈無孔笛吹出覓知音師便打乃舉五祖演和尚

云四五百碩麥二三千碩稻好箇休糧方耆婆不得妙後千巖長和尚拈云管取有錢常住不無演祖若是將無作有拔貧作富須還無明始得米不蓄一粒菜不栽一莖任渠來往者喫得飽彭亨師云二遠祖一人有錢常住一人將無作有俱稱好手百山這裏有錢常住也不能將無作有也不會只可牽來補去隨分過時米亦化幾碩菜亦種幾坵任他牛與馬各自逞風流或有箇漢出來道和尚與麼亦稱好手阿呵阿將謂無人下座

新剃度請上堂未出家時信心已具十分旣出家了

猛力更須百倍以百倍猛力增十分信心直至果熟  
功成方始無愧若是靈利底漢猶不向此中鈍置如  
丹霞和尚於馬祖機下領畧便行何等捷要所謂惟  
過量人能爲過量事且今日離塵得度一句作麼生  
道金刀削盡娘生髮皎皎氷輪頂上圓

臘八上堂居士問世尊觀明星便悟未審悟箇甚麼  
師云不是苦心人不知乃云六年雪嶺坐如呆忽拾  
明珠笑滿腮破布千重包不住忙忙拆出下山來咄  
這老漢可謂貴買精神賤價賣爭奈無人承當彼時  
若有箇承當底亦何用三百餘會長收短販及至臨  
末梢頭本利盡行消折乎然雖如是不到真窮處知  
他未肯休

戒子請上堂僧問內傳心印外付袈裟諸戒師三衣  
已具和尚心印作麼生傳師云六耳不同謀乃云一  
切有心者皆應攝佛戒衆生受佛戒卽入諸佛位此  
區區之論也忽若無佛無衆生無心可攝無戒可受  
又作麼生到這裏亦須是箇中人始得且道箇中人  
畢竟在什麼處安身立命還會麼生平疎逸無拘束  
酒肆茶坊任意遊漢地不收秦不啻旋騎驢子過楊  
州擲拄杖下座

謝化士上堂僧問木鯨擊破塵勞夢須是作家鐵面皮一段殷勤無別事祇爲顯發這些兒如何是這些兒師吹一吹云會麼僧作禮云恁麼則大衆有賴去也師云汝也不得無分乃云山僧前者遣數員宿將東討西征南擒北獲今既各各還師凱奏豈可勞而無功未免鑄箇無文印子爲伊封賞去也遂拈拄杖卓云還知印子受用處麼良久云不經汗馬邊庭苦誰信勲高蓋代人復舉黃龍南云世間有五種不易一化者不易二施者不易三變生爲熟者不易四端坐喫者不易更有一種不易是什麼人良久云譬便

下座時翠巖真作首座藏王問云適來和尚道五種不易是什麼人座云腦後見腮莫與徃來師云黃龍起模畫樣藏王撥火飛灰首座看孔下楔雖則一期佛事燦然可觀要且於五種不易底人未曾道著敢問大衆山僧與麼曾道著也未喝一喝

聖節上堂玉蓋金枝龍姿鳳彩稟乾坤之秀氣吸日月之精英從上大福德人必具大力量操大威權得大受用所以靈符炳耀寶曆綿延千官劍佩趨蹌萬國梯航入貢政當此日如何是嵩祝一句舉拂子云北斗清光遠南山睿筭長

撰述  
歲旦上堂僧問元正啟祚則不問萬物咸新事若何  
師云大家含咲面進云可謂靈瑞符應光被大千師  
云陳年曆日問舊歲念九新年初一形容動靜無所  
不吉如何是吉底句師云三箇兒童輓繡毬僧禮拜  
師打云莫來攔彼毬門路乃云元正啟祚萬物咸新  
拄杖子爲什麼依舊黑漆漆地應時納祐罄無不宜  
水牯牛爲什麼不甘水草偏要犯人苗稼這兩則語  
有人道得山僧喚侍者另點椀茶來供養道得道不  
得且置祇如拄杖子與水牯牛是一耶是二耶拍膝  
云路遠峰高稀客到聚頭正好共商量

因雪上堂六出颺颺捲畫圖平空萬里盡堆珠烏鴉  
凍得嘴頭匾庭際有人立也無有般漢便云我衲僧  
家氣宇衝天豈肯向這裏住腳拾人涕唾以當平生  
是卽也是但要誠實履踐似恁麼虛張大口未可在  
不見道不是一番寒徹骨爭得梅華撲鼻香

元宵上堂一輪桂轂當空恐被雲遮萬架花燈靜夜  
難防雨打須知吾人分上自有長明不滅底光光相  
照奕奕交羅三世佛歛眉莫措六代祖捕影無繇而  
今勝候旣逢不免圓却此話遂豎拂子召衆云還委  
悉麼清光萬古復千古何啻歌樓數夕看

解制上堂把住萬重關不容走作解開一面網任其  
飛騰飛騰固是匪殊羽毛未必無異燕雀山鷄則不  
問莫有遼天俊鵲試出來衝突看一僧喝拂袖而出  
師卓拄杖云收復云此百日期中水雲共聚有蒙贊  
助得見完全今既欲各袂東西豈可靳片言分付處  
處風柔鴨綠鮮君家何惜杖頭錢相逢幸自識機變  
鼻孔莫教亂索穿

佛涅槃日上堂如來不出世亦無有涅槃以本大願  
力示現自在法大衆釋迦老子住世七十餘年談經  
三百餘會喚作不出世得麼熙連河側柳示雙趺化

火闍維阿難悲泪喚作無有涅槃得麼若果與麼會  
去敢保自在法驢年也未夢見且如何是自在法卓  
拄杖云李郁桃穠春已半繡堤黃鳥數聲幽

上堂子規夜半啼殘月口口聲聲歸去切無奈時流  
不善聽枝頭枝底盡紅血盡紅血何日歇明年若弗  
再來啼便是人間好時節

道舊至上堂僧問門內有君子門外君子至時如何  
師云玉笛橫拈信口吹進云聲應氣求遐古語今朝  
方信不虛傳師云且莫喚鐘作甕乃云門內有君子  
門外君子至東溪水漲高北嶺山增翠政當與麼時

如何玉笛橫拈信口吹清音落落動天地復舉慈明  
因同道相訪陞座云颯颯涼風景同人訪寂寥煮茶  
山下水燒開洞中樵後楚石拈云慈明老人家貧難  
辦素食事忙不及草書只是不合將常住物作自己  
用師云禮數周旋不無慈明遠祖私用常住未免取  
笑傍人山僧此者將自己物作常住用去也遂展兩  
手云調味莫嫌入口淡論交還我道情濃

師過海寧東嶽禪林悟雲生日請上堂天是天地是  
地山是山水是水人是人物是物各安其位各遂其  
生與麼會去著衣喫飯蓋是尋常見色聞聲頭頭不

昧然雖如是但可入佛不可入魔直須拶開向上玄  
關透出五陰區宇酒肆茶坊無罣礙魔宮虎穴任優  
游獄卒夜叉喚來添香運水闍羅秦廣與他握臂齊  
肩到這裏不啻涅槃生死說甚促壽延齡有時入佛  
也由汝有時入魔也由汝有時佛魔俱入也由汝有  
時魔佛俱遣也由汝是則固是而今且問諸人佛之  
與魔是同是別若道是同未具辨別眼在若道是別  
殿角鳴吻笑殺闍黎畢竟意旨如何兩行古栢當前  
翠一片閒雲自在飛卓拄杖下座

追薦上堂四月十五日以前山僧有口無開處四月

十五日以後大悲千手莫能量政當四月十五日薰風自南來殿閣生微涼有箇信心老居士入此門中設供追薦二位先亡山僧無柰祇得高登寶座擊大法鼓放大祥光其光普遍驚得玉皇大帝幽冥教主拱手互爲證據曰善哉善哉且喜陳氏嚴慈於一剎那頃同時解脫白藕花香藕花香味轉長若能如是見不用哭穹蒼雖然居士也須薦取本來父母始得祇如本來父母作麼生薦取驀豎拂子云還會麼端的一毫頭上露亘今亘古越堂皇

超瑣請上堂絳縣老人花甲子湫城徐氏一周始大

心大願慶圓成明歲從頭又笑起笑得起超於彼水月簾前光彩多驀豎拂云究竟何曾離這裏猶記當時法真計氏曾叅趙州無字話忽爾洞然透徹作偈曰逐日閱經文如逢舊識人莫言頻有礙一舉一回新看他透徹底等閒開口迥出尋常千百世後尤足敬慕是汝今日還知麼般若因該無量壽都緣累劫密脩來

師生日禪音禪果請上堂僧問萬化之源萬物之母慶會一時壽同千古如何是慶會一時師云仰之彌高鑽之彌堅進云如何是壽同千古師云瞻之在前

忽焉在後進云二語已蒙師指示果滿音圓事若何  
師便打進云不是法王親嫡子誰人敢進踏渠門師  
又打僧一喝歸衆師乃云如何是禪音古槐影裏鬧  
吟吟如何是禪果梅子枝頭青朶朶性燥漢信手拈  
連核和皮一咬百雜碎原來禪音禪果沒兩般獨露  
分明祇是我是我非我無可不可現坐道場焚香擇  
火龍王夜賽月明珠贏得蟠桃千萬顆喝一喝

法淨師送法被請上堂僧問織成古錦含春象一番  
提起一番新如何是一番新師云低垂疑步障吹起  
作晴虹進云今朝獅子吼遍地彩霞生師云汝向甚

處躲避僧喝師便打乃云蜀錦吳綾攢成五彩金針  
玉線挑出千行霞光闌處綺花新獅子奮來龍鳳活  
頭頭示現法法全該舒卷自由縱橫無礙以此供佛  
祖則佛祖歡顏以此耀門庭則門庭赫奕門庭赫奕  
也遐邇莫不具瞻佛祖歡顏也檀施已霑福利且今  
日在山僧分上畢竟成箇什麼邊事乘時高掛草王  
座勝過諸方黑漆屏卓拄杖下座

衆護法請上堂山中無曆日寒盡不知年行者驚相  
報文星滿座筵都云來祝壽壽量願彌天打鼓宣新  
偈焚香理舊絃此時真慶快何用帛錢錢且合本同

元一句作麼生道荆棘弗生田地好舉頭箇箇是金  
僊復舉僧問雲門如何是和尙家風門云有讀書人  
來報師云讀書人已在這裏且作麼生與他相見擊  
拂云一曲鈞天雲外奏五湖四海盡知音

上堂慈悲落草曲爲今時盡令提綱無人掃地取用  
期乎活變設施妙在從權所以古德有言諸方是真  
金舖我這裏是雜貨舖汝若索真金便與真金汝若  
索皂莢便與皂莢究竟將來總非實事真金一句則  
不問與汝皂莢是如何可憐昔日誨機老錯認玄泉  
是解粘

劉青西薦親上堂僧問五月石榴紅似火花開見佛  
事如何師云項上有光吞日月進云恁麼則蓮花國  
裏現全身去也師云面前何地著塵埃乃云大丈夫  
秉慧劍般若鋒兮金剛燄非但能摧外道心早曾落  
却天魔膽永嘉恁麼道雖則威風凜凜劍氣逼人要  
且不能起死回生利益一切山僧則不然大丈夫秉  
慧劍般若鋒兮金剛燄非但夜臺燭有光現存獲益  
亦靈驗然此慧劍畢竟從何處得來汝若識得來處  
自然光芒透發射斗凌霄有願皆酬無恩不報先慈  
佛國依蓮坐嚴父天宮任意遊遂拈拂子高聲召云

青翁青翁還信也無便下座

上堂遶樹啼鴉雲間禮樂堆雲落葉野叟文章活潑  
潑絕覆藏開叢叢無回互下士聞而大笑英流見乃  
知休而今若有知休底向山僧面前過正好一頓痛  
棒何故喫泉水貴諳地脉然雖如是黃金自有黃金  
價終不和沙賣與人

上堂如何是法獨木橋流水滯滯如何是心黃鸝飛  
過綠楊陰法卽心心卽法萬象當前信手割心非法  
法非心千聖都來被陸沉若人於此領悟去一道靈  
明亘古今政恁麼時香雲繚繞鐘鼓交叅居士鼻孔

搭上唇山僧眼睛掛腦後忽欲索予言爲壽如何抵  
對還知麼眉毛卓朔骨撐天爲法心專久愈堅海屋  
有籌齊拓出大家均此賀堯年卓拄杖下座

上堂盧舍長明鏡威音不夜燈瞿曇珠一顆彌勒杖  
頭繩此四種物於過現未來世人富無有餘貧無不  
足平等平等隨處得而用之以拂子打圓相云山僧  
今日搬來奉送衆姓居士雖則白拈好手將公物私  
作人情亦可謂酌水獻花總是他家屋裏事衆中有  
傍不甘底試出來定奪看如無一任伊收起去也且  
收去後又作麼生樹下酒香留客醉從教人喚老寒

陽  
上堂物不得其平則鳴水無聲風蕩之鳴草木無聲  
風撓之鳴拄杖子無聲山僧用之鳴敢問諸人拄杖  
子有什麼不平處卓一卓云痛打自家親骨肉叢林  
扛鼓返成窻

嘉興府海鹽縣劉門朱氏法各起浩捐貲  
助刻祈先嚴養朴公先慈呂氏張氏早生  
蓮界者

百癡禪師語錄卷第二終

百癡禪師語錄卷第三

嗣法門人超宣等編

浙江杭州皇崗太平禪寺語錄

崇禎甲申夏師在金粟首座寮受請於七月二十七  
日入院指山門云無鑰無封八達七通爲什麼有人  
到這裏一似撞牆磕壁良久云隨我來也便入

佛殿洞山麻秤一條繩楊岐驢子三隻脚自古迨今  
何止將錯就錯錯錯且展具蓋覆却

伽藍堂受囑靈峰後金湯末不忘分明何以報盡在

一爐香

祖師堂四七二二端的瞎門風委地苦難扶兒孫赤手無他事舉香云祇得隨流學順朱

據室此是攙旗奪鼓之場滅竈添兵之所惟許作家戰客別立生涯倘或徒勇武夫性命未免在山僧手裏卓拄杖一下

拈疏字字墨華散彩言言濯錦成文提持向上綱宗斷盡現前公案當陽舉起有眼皆瞻若也躊躇從頭諦聽

指法座莊嚴寶座列聖同登幸自覲面相逢須知放過不可

拈香這瓣香恢有餘地大莫能名薰向爐中端爲

今上皇帝祝嚴萬壽伏願德協少康立振中興之世界明踰光武丕承烈祖之徽猷這瓣香近取諸身遠及於物薰向爐中奉爲闔郡尊官海寧縣王本山護法太史陳公銓部吳公大叅陳公光祿葛公觀政張公并諸孝廉明經衆姓文學伏願廣恩波而輝佛日被忠赤以佐堯天這瓣香有時價重千金有時分文不值四回拈出薰向爐中端爲現住金粟堂上本師費隱容老和尚用酬法乳上首白槌云法筵龍象衆當觀第一義師云要觀第一義無處可逃避誰是箇

撰述  
中人出來相證據僧問諸佛出世大地放光和尙出世未審作麼生師云古策風高進云人天交接四衆臨筵請師直指師便打問如何是太平境師云山僧今日初到如何是境中人師云箇箇眉毛橫八字進云入境已蒙師指示還有向上事也無師云向上看僧喝師打云情知汝這一喝乃云法無住相著相乖宗道不虛行隨行得路是以古今知識運本分鉗錘握金剛寶劍於一切處開鑿人天眼目剪除衲子命根出沒卷舒悉皆自由自在矧皇崗勝境太平道場  
二水潑環二橋登拱

聖天子綸音聿煥衆宰輔德望儼然茲則請命嚴伸自當曳杖前赴豈敢囊藏被蓋正令不爲主持且主持正令一句如何道還委悉麼掀翻海嶽求知已撥轉乾坤見太平復舉三聖云我逢人則出出則不爲人興化云我逢人則不出出則便爲人師云經文緯武力扶濟北宗風還這二老漢始得雖然若到山僧門下每人各要一頓棒在敢問大衆那裏是他喫棒處具透關眼者試請辨看  
請兩序上堂烹金琢玉予之任荷教扶宗衆力深先哲有言猶記得事難方表丈夫心

中秋上堂僧問野老無私願歌謔樂太平如何是太平時節師云堯風淡蕩進云一輪光皎潔萬里絕瑕痕師云猶有浮雲在乃云桂魄十分圓秋光一半盡偶然憶著他拄杖聊通信驀拈拄杖卓云信已通也且道他在那裏復卓一卓云莫向浮雲深處覓又憑絃管再吹開

陳旭永脩薦上堂僧問當陽拈出無私句喚醒南柯夢裏人政當恁麼時凌太夫人在什麼處師云天下人摸索不著進云可謂撒手了無男女相大千何處不風流師云賴遇闍黎證明僧禮拜師乃云母氏劬

勞恩過於蓋與載碎身不足酬般若力能賽若論此般若力完全畢備居士未起一念時已爲令先慈拔薦了也未到太平時令先慈已受薦了也又何待山僧登曲录木鼓兩片皮始爲得哉然事無一向不免畧叙數言以塞來命金飈戰葉玉杵鳴秋昔與麼去茲復何求萱室沉寥兮兒猶遠慕羅衣灑脫兮娘却自繇一段嘗光無掩覆乘緣端不在蓮舟且畢竟在什麼處安身立命遂豎拂云還見麼切忌認影迷頭擊香几下座

開爐上堂僧問古佛與露柱相交合談何事師云龕

撰述  
人應得聞進云三條椽下七尺單前又作麼生師云  
大家自摸索進云太平有制從師結脚下無私任我  
行師云三千里外過崖州問眼生三角頭峭五嶽不  
與麼來時如何師云殷勤送出荒郊外進云政與麼  
來時如何師便打進云杲日當空天色暖從今喜唱  
太平歌師云不易道將來問如何是爐中事師云一  
堆烈燄貫天紅進云忽有箇不受鉗錘底又作麼生  
招接師云腦後也須粉碎僧拂袖云男兒自有衝天  
志不向他人行處行師云少賣弄乃以拄杖卓一卓  
喝一喝云臨濟大師來也是汝諸人且作麼生與他

相見有般漢聞與麼道便云幸自太平無象何用好  
肉剗瘡似這等見解三十年後有人索飯錢在然當  
爐不避火迸忠言不避截舌斬將褰旗衲僧家尋常  
手段苟能於人天衆前主賓互換敲唱雙行把臨濟  
大師拖出頭來亂槌一頓山僧到這裏終不敢壓良  
爲賤其或未能一者紅爐猛燄二者信施難消是汝  
諸人百日期中更須仔細始得復卓一卓下座  
追薦上堂僧問生若流水死猶落花落花流水則不  
問薦拔一句事如何師云透脫干差路進云畢竟還  
有生死也無師云自己看取進云轉身時節好黃菊

撰述  
綻東籬師云汝作麼生轉身僧無語師云壁上畫風車乃云多年枯骨冷如水睡熟夜臺曉未曾呈拄杖云但向棒頭開隻眼無依無倚任騰騰復舉世尊因耆婆善別音響至塚間見數髑髏遂敲一髑髏問耆婆云此生何處耆云生人道世尊又敲一云此生何處耆云生天道世尊又別敲一云此生何處耆罔知生處師云大小耆婆被世尊覲面瞞却當時待別敲一二云此生何處便云生佛道看他世尊作麼生合煞祇如茲耆靈熙居士請山僧爲薦過去嚴慈及令先叔且道這三位亡靈生在何處衆中莫有知生處者

麼試道道看衆下語不契師云二段不同收歸上科  
卓拄杖下座

上堂僧問少室家風五傳而至曹溪支分派列門庭雖異根本一般政當恁麼時願聞演唱師云無孔鐵鎚驀面擲進云二要印開朱點窄未容擬議王賓分如何是臨濟下事師云霹靂轟天進云鋒前有語離情謂格外玄機孰可親如何是雲門下事師云鐵旗鐵鼓進云君臣道合時雍泰回互機全不露鋒如何是曹洞下事師云線去絲來進云一顆圓明無向背當陽拈出有多般如何是瀉仰下事師云音律克諧

進云綠水青山全體現森羅萬象笑顏開如何是法  
眼下事師云任汝看取進云覲面無回互臨機有卷  
舒和尚門下又作麼生師便打進云可謂水歸巨海  
波濤濶雲到蒼梧氣象閒師云莫來打葛藤乃云道  
人於世不必強求隨緣任運觸處風流所以山僧在  
建州數載三次居山自有山中光景山中受用喬松  
萬本脩竹千竿虎嘯猿啼飛泉響荅無事扶筇雲外  
望笑看紅日上高峰迄今暫住在這裏便有這裏一  
段光景一段受用殿閣挿空桑田遍野門外三橋曳  
曳簷前群雀喧喧更無閒事掛胸懷粥飯二時安分

過同生嗣死底許伊鼓拍相從喫醋喫鹽底任伊背  
地撫掌且道憑箇什麼得什麼自在頂額豎亞摩醯  
眼天上人間不可陪

冬至上堂僧問寒梅破玉石笋抽條君子道長小人  
道消喝一喝云且道還屬遷變也無師云衲僧分上  
無許多事進云可謂萬象之中能作主逐隊隨群實  
可憐師云汝爲甚逐隊隨群也進云不經洗耳池邊  
過肯信人間有是非師云又在語脉裏轉却乃云山  
僧一條拄杖尋常不欲胡亂打人祇要豎在黑暗裏  
令汝不覺不知忽然沒興磕著如枯榦葦開水河醖

發他時異日向南頭買貴北頭賣賤也不爲分外何  
故時節若至其理自彰然雖如是若非跨竈衝樓去  
猶屬吾門客作兒復舉慈明於冬日榜僧堂前作此  
字。三二二三几。羽袖其下註云若人識得不離四威  
儀中首座顧謂衆云和尚今日放叅明聞而笑之師  
云慈明老祖於無陰陽地上畫出鳥跡蟲文直得鬼  
泣神號蒼黃歛衽山僧此者依樣摸一本施呈敢問  
大衆還識得也無良久云莫謂外孫螿曰少相教舉  
筆亂塗鴉

上堂衆集定乃云幸自大家肌骨好何須對鏡畫娥

眉便下座

大佛開光上堂僧問全身示現度娑婆霜雪堆頭鳥  
作窠夜觀明星則不問放光動地是如何師云人天  
共見進云頂門正眼無藏覆爍破三千及大千師云  
阿誰不仰此時風進云祇如昔日雲門打殺今朝施  
王裝嚴古今各出隻手未審是同是別師云別是一  
家春進云可謂將此深心奉塵刹是則名爲報佛恩  
師云只消這一句問佛真法身猶若虛空應物現形  
如水中月今日現形也如何慶讚師云禮拜著進云  
今佛放光明助發實相義如何是實相義師云殿前

古栢勢如虬進云某則不然師云汝又作麼生進云  
片石自堅君子契好花常舞太平春師云猶是這般  
消息乃云丹霞燒雲門打威風凜凜遍天下酬恩報  
德世無倫爭似花園查大姐運出家珍願力弘裝嚴  
丈六金身也而今畢備爲開光就請山僧揚般若回  
向老年福壽康生生世世絕瀟灑并諸過去的宗親  
承斯善利超越者回向卽不無祇如釋迦老子是有  
光可開耶無光可開耶若言其有帶累山僧眉鬚墮  
落若言其無誰肯與麼發殊勝心苟非親證自己一  
片光明到此際未免如鼠入牛角轉身無路且如何

是自己底光明呈拄杖云還見麼巍巍逼塞虛空際  
歷落當陽古至今卓一卓下座

臘八上堂僧問明星已覩成饒舌今朝提起事如何  
師云爍破汝面門進云不惜眉毛重吐露知音能得  
有幾人師云灼然灼然乃云夜半踰城不安本分埋  
頭雪嶺自昧風光臘八觀星眼中著屑下山教化惡  
語傷人這箇沒意智漢今日暗想將來雖是用盡已  
心笑破他口却有一種竒特處令我徹骨難忘諸人  
要見他竒特處麼山僧放下面皮徹骨相爲去也拈  
拄杖下座打散

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

下

九

爾潛居士請上堂僧問格外全提一句作麼生道師云放汝三十棒僧喝師打云直待雨淋頭進云路逢達道人不將語默對將什麼對師又打云祇怎麼對居士問臘月初八已往臘月三十未來政當怎麼時請師直指西來意師云寒梅纔破夢進云恁麼則坐斷兩頭去也師云恰是進云昔年壽聖祝聖壽今日皇崗慶太平師云還知太平消息麼士一喝便禮拜師乃云古栢垂枝翠寒梅破夢多毳衣相對立端的事如何拈起舊時氈拍板迎風共唱太平歌政當此際畢竟誰是知音者董家村裏老維摩復舉古德拈

拄杖云識得這箇一生叅學事畢又有云識得這箇更須買草鞋行脚師云太平則不然識得這箇抵償施主有分

上堂直釣釣鯤鯨曲釣釣龜鼈古人與麼取用可謂善酌時宜太平從來性拙祇用直釣不論鯤鯨與龜鼈隨他負命上釣來驀豎拂左右顧視云卽今莫有上釣者麼良久云且捲絲綸歸舊塲免教風雪冷侵衣下座

歲日上堂僧問昨夜獼猴還古洞勘破陷虎之機今朝鷄唱五更前拋出險崖之句新故交加則固是祝

支那

行

一

聖拈香事若何師云祥雲捧日進云祥雲捧日與新年頭佛法是同是別師云莫作恁麼見解進云恁麼則乾坤育聖德萬物共霑恩也師云喜慶有分乃云韶陽一曲臘月二十五太平移向新年頭吹唱端爲聖明御極之初嵩祝萬壽直得風和日暖五彩雲凝鳳舞龍蟠千祥駢集人人歌至化在在樂無虞然雖如是且道這一曲從什麼處得來又作麼生吹唱灼然不落宮商調自有徽音動地天擊拂子下座

春日上堂疾如風爍如電六臂三頭千化萬變雖然與汝說得分明各宜親見一面莫學福州人吟詩也

道雪花飛片片秭如親見面時又且如何阿呵呵動人春色不須多

解制上堂僧問古人解制向萬里無寸草處去今日解制未審向什麼處去師云遠道擎空鉢深山踏落花進云忽有問格外機聲前句和尚又如何荅他師云痛與三十棒進云路遠夜長休把火大家吹滅暗中行師云道得亦相應乃云霜風凜冽耐耐衲子爐邊作隊喜得春日融和不免打開布袋出門任汝西東要具金毛氣槩逢人卽便敲翻勿比韓盧逐塊他時想念歸來我宗一脉永賴良久云太平與麼道也

是嫫母憐兒忘却醜態喝一喝  
出關請上堂僧問三載無端自活埋千重百市擊難  
開今朝忽斷連環鎖爛熳春光遍九垓條款已供請  
師一鑑師以拄杖卓一卓進云向上還有事也無師  
便打僧喝師復打乃云折籬障壁未是作家把纜放  
舟豈爲好漢須知衲僧手段實不恁麼擊開佛祖重  
關跳出舊時窠臼直下如戴角猛虎搖岳驚群奮爪  
哮龍衝雲搏浪千聖牢籠不住萬法綴繫無從政當  
今日功成行滿一句又如何話會彼此風流多意氣  
相邀踏賞太平春

陳氏行常請上堂僧問春風淡蕩春氣和融底事分  
明則不問今朝陞座意如何師云一顆圓珠常燦爛  
進云祇如佛法遍天下未審閨閣中還有佛法也無  
師云有進云恁麼則水月簾前冰骨女堅貞猶比歲  
寒松師云不妨被汝道著乃云三月好春光柳垂金  
線長少林端的旨靚面不囊藏恁麼會莫思量本有  
靈明事事彰繡閣翛然忘晝永南山古柏愈深蒼復  
舉當時温州陳道婆嘗遍叅名宿後於長老山淨和  
尚語下發明作偈云高坡平頂上盡是採樵翁人人  
盡懷刀斧意不見山花映水紅師云好箇山花映水

撰述  
紅可惜無人證據太平今日爲伊證據去遂豎起拂  
子云還見陳道婆麼便下座

清明上堂清明時節雨紛紛途路禪流聞不聞欲識  
祖翁何處是灼然祇在杏花村驀拈拄杖指云杏花  
村已在這裏祖翁聾乃云萬福萬福下座

佛誕追薦請上堂生以不生生爲生義白雲飛掛門  
前樹死以不死死爲死義風送落花紅滿地散離和  
合各隨宜根本繇來無變異但能窮究豁然明當下  
頓超佛祖位寶劍倚天光逼人外魔一切咸驚悸塵  
塵示現度迷情那有輪迴惡業累如是則知釋迦老

子於此日生生本不生心蓮上座於此日死死本不  
死生本不生無生可慶死本不死無死可追政當恁  
麼時且道釋迦老子與心蓮上座畢竟在什麼處安  
著還委悉麼不見道天上天下惟我獨尊卓拄杖下  
座

師誕日結夏上堂父母未生前面目臨濟喫黃檗三  
頓痛棒百丈野狐巖頭末後句是汝諸人一一覷透  
也未若一一覷透去則不用九旬禁足三月安居更  
說什麼應驗蠟人如鷲護雪直得常光廓爾蕩蕩無  
拘盡虛空華藏刹海悉皆遊戲出入之場任是黃面

婆伽十二圓覺也須倒退幾步衆中或有與麼漢出來互相激揚非惟此目佛事光增抑且慶讚山僧有分如無炎威雖漸逼殿閣喜生涼不妨向三條椽下東覷西覷忽然冷地覷透亦未可定

端午上堂舉臨濟問僧甚處來僧便喝濟揖坐僧擬議濟便打又一僧來濟豎起拂子僧禮拜濟便打復見僧來濟亦豎起拂子僧不顧濟亦打徑山杲頌云五月五日午時書赤口毒舌盡消除更饒急急如律令不須門上畫蜘蛛師云大小徑山一道神符亦有箇驗處只是要見臨濟太遠在且如何得見臨濟去

遂拈拄杖下座打散

上堂諸佛道不著底句太平滿口道著祖師拈不出底機太平信手拈出拈得出是何物卓拄杖云梅雨乍晴原隰翠皇崗橋上有人行

陳榜眼入寺上堂舉宋時徑山杲禪師因陳榜眼至舉白雲端頌楞嚴經中吾不見時何不見吾不見之處話云堂前露柱久懷胎生下孩兒頗俊哉未會語言先作賦一操直取狀元來隨後拈云敢問諸人還知師翁落處麼若知落處便識得狀元若也未知徑山爲你指出有利無利不離行市放過一著落在第

撰述  
百城四目録卷第三  
二師云徑山老漢說亦說得有來由只是未了太平  
此者要見千載一時不免鋪花錦上去也放過一著  
落在第二赫奕聲光喧天震地作王室之股肱立英  
才之標幟鰲禁風生絕點塵返思鶯嶺有何異且今  
日台旂光臨一句作麼生道撥轉如來正法輪是則  
名爲親受記

上堂張空火傘熱難當何處幽陰可隱藏莫道太平  
無欸待濃煎幾椀辣椒湯爲什麼如此要伊通身汗  
出徹骨清涼忽有云某甲不喫似這等冷地坐漢病  
在膏肓大衆而今泛泛之流多作恁麼見解喝一喝

下座

解夏上堂木葉正驚秋解開布袋頭乾坤如許濶任  
汝自優游記得昔日翠巖示衆云一夏與兄弟東語  
西話看翠巖眉毛在麼鉤錐在手照用同時還他老  
翠巖太平這裏則不然何故一夏以來總不曾與兄  
弟東語西話兩道眉毛依舊橫在眼上諸人決定是  
見也然雖如是前途有人問著又作麼生抵對於此  
抵對分明方不枉太平過夏

退院回上堂時勢兩窮自知退身有分人情恰好何  
妨熟處爲家撥轉古杖頭打開舊舖面太平曲調特

地重宣濟北綱宗從新整頓設道再來半文不值須  
信此際後會難逢紅輪杲杲印天心灼然大智圓明  
體無背向寶鐸雙雙鳴殿角果爾聲和響順理絕差  
殊政當今日濟北綱宗卽不問汝諸人祇如太平曲  
調諸人還記得麼良久擊拂子云箇中無限低回意  
貴在知音側耳聽

中秋上堂者也之乎浪費工夫行棒行喝遍地荒蕪  
若是皮下有血底只消道箇不必何故此夜一輪滿  
清光何處無

新剃度請上堂僧問金刀剪斷青絲髮便是牟尼佛  
子孫三千威儀八萬細行則不問獨脫無依一句作  
麼生道師便打進云竹密不妨流水過山高豈碍白  
雲飛師云誰人解此意令我憶丹霞乃云三界無安  
四生拘促旣離愛網須報深恩祇如深恩作麼生報  
莫是誦幾卷經持幾行呪麼且喜沒交涉莫是念幾  
遍佛燒幾炷香麼且喜沒交涉莫是出入叢林學幾  
句禪聽幾句教麼且喜沒交涉遂呈拄杖云爭似這  
箇超宗越格蓋色騎聲八面玲瓏十方洞達倘能於  
此徹證根源直截擔荷自與乃佛乃祖握臂並行生  
死不憂涅槃不受隨緣放曠應物施爲從前願力了

然一切深恩報盡如是出家爲僧不亦善乎復呈拄杖高聲召云達源達源你還肯恁麼也無後生可畏頭纔白切忌空拋白了頭

上堂天得一以清地得一以寧君王得一而天下平衲僧得一又且如何負日晴軒成坐睡夢隨鷗鷺落江村

辭衆上堂善始善終道人操守知進知退衲子機關機關既別操守亦真去住自可隨緣終無絲毫繫念無繫念絕踈親柳檉橫擔不顧人且向秦溪深處也偷閒笑破碧桃春

杭州金山長慶禪寺語錄

入院至山門基云無門之門是爲法門且道路頭在什麼處以拄杖劃一劃云還見麼

佛殿古殿苔封山色冷虛堂午寂梵聲沉釋迦老子雖則善於藏身爭柰新長慶未肯放過在

方丈擦粉塗脂敗家種草藏牙伏爪怯膽禪和直饒不涉兩途正好劈脊打趁何故據斯室行斯令

指法座這箇寶座登陟寔非容易新長慶今日又作麼生良久云自從踏斷毘盧頂幾度臨危一坦平

拈香祝 聖畢次拈香云此瓣香多少人求之弗得

多少人得之弗能用幸自可憐生亦已得而用之次  
第五回供養我金粟本師費老和尚用酬法乳上首  
白槌竟師云秋山削玉水磨銅斜抱雲和寄此中一  
曲輕彈絃韻好知音誰是請相通僧問昔日太平今  
朝長慶太平玄旨則不問長慶宗乘事若何師云桂  
子正香颺進云這是和尚底如何是學人底師云你  
也須領取好進云數縷金繩開覺路一帆寶筏渡迷  
津學人已霑恩去也師云知卽得問如何是長慶境  
師云湖光淡蕩進云如何是境中人師云我坐汝立  
進云人境已蒙師指示斬新條令句如何師云與汝

一頓棒乃云長慶門前天寬地濶化螺池畔竹翠松  
青頭頭顯露無私隨方任我展演所以道衲僧家絕  
固必乘輿而住遇緣卽宗劈開摩醯正眼拋出楊岐  
金圈照用同時主賓互換羅籠網鳳碎鎖敲枷直教  
古佛眉尖放光那管法堂草深一丈雖然此猶是新  
長慶尋常爲人處祇如人境相稱一句作麼生道碧  
溪流不盡千古美無虧復舉昔時長慶慧稜禪師往  
來雪峰玄沙二十年坐破七箇蒲團不明此事一日  
捲簾忽然大悟作頌云也大差也大差捲起簾來見  
天下有人問我解何宗拈起拂子劈口打師云看他

古人二十年來真實履踐則不無若要箇箇依樣畫  
葫蘆未免遞相鈍置新長慶從來不曾坐破蒲團卽  
今日亦無甚蒲團與你坐破只有一座破殿數間破  
屋大家團團共聚你纔進前如何驀拈拄杖便打且  
道與古人是同是別還委悉麼莫怪渠儂多意氣當  
年曾謁聖明君

冬至上堂是法住法位世間相常住金山頂枯榦抽  
條長慶湖寒水酸起燈籠露柱依舊寂寂無言惟有  
白牯鯨奴互相慶賀曰且喜且喜喜箇甚麼日愛霜  
明春信到冷梅橋畔暗香浮

臘八尼古恒請上堂僧問雪山敗闕長慶增輝端的  
一句請師指陳師云逼塞虛空進云祇如昔日趙州  
訪二庵主主俱豎拳意旨如何師云鐵錘無孔進云  
今日庵主來訪長慶又作麼生師云也不較多進云  
可謂縱奪誇好手相逢兩作家師云不須重註破乃  
云雲收午夜星燦長空今古恒然本無變異耐耐瞿  
曇不啣留向這裏刺破雙睛却走入鬧藍中哆哆和  
和致令後代兒孫若男若女依模做樣列剎相望懸  
羊賣狗知他是真是僞長慶到此者又覺力竭智窮  
跳出圈繯不得未免借木上座隨例打闕去也遂拈

撰述  
拄杖卓一卓云瞿曇作先鋒長慶爲殿後中間諸菩薩見聞俱歡喜歡喜則不無祇如實際尼不下笠子勘俱胝末山王一言之下能使灌溪服膺且道伊具什麼眼目得與麼英特自在有簡點得由者試來與俱胝灌溪二大老漢轉身吐氣不爲分外有麼有麼良久云茫茫宇宙人無數幾箇男兒是丈夫復卓拄杖喝一喝下座

因雪上堂巽二無端夜作威天明滕六亂空飛金山突出銀千樹瓊殿粧成玉一圍知己不聞扶剡棹達流幾見臥袁扉儂家幸自生涯別得意翩翩獨振衣

下座

歲旦上堂昨朝舊歲今日新年舊歲說過底縱新也舊新年說得底雖舊仍新新舊說無兩般要且隨時流動驀豎拂子云看看拂子顯神通上至兜率天宮下入十八重地獄普令虛空法界情與無情悉皆合掌奔趨同聲唱和報道今年蠶麥熟禾稼宜人少病物咸熙長慶寺幾箇長老別無竒能只是鼻孔遼天要肚皮飽餉餉地山僧癢處被他搔著欣欣然如登春臺如享太牢是汝諸人爲什麼不知不覺遂連擊拂子下座

久雨上堂沃野獻新綠漫空雨點多鳥啼泥滑滑惱  
殺衆禪和古德有言萬里無雲青天也須喫棒若是  
久雨不晴這一棒青天更少不得山僧與麼判斷大  
衆想必樂聞畢竟如何得晴去一僧云但得雪消去  
自然春到來師卓拄杖云分明記取

佛涅槃日上堂二月春方半桃花開爛熳瞿曇忍不  
禁天外出頭看咄這老漢入大涅槃已二千六百餘  
年了也更於何處出頭又要看箇甚麼良久云浪高  
三級龍成去猶有駭人岸夜塘

大悲生辰上堂衣內明珠女男本具胸中古鏡老少

全真祇因見倒惑生故受泥塵染汚所以觀世音菩  
薩於當年此日示現應同體悲興無緣慈總是潦倒  
婆心蝦爲子曲有等念舊話漢便云白華巖上頻伽  
語紫竹林邊銀浪高大士法身常顯露頭陀休用更  
切切是卽是猶隔津在且不隔底在什麼處遂以拂  
子敲香几云也只在這裏在這裏莫沉吟家家南無  
觀世音桑麻數畝圓通殿豺虎是非永弗侵復敲香  
几下座

清明上堂荒土一堆銷盡英雄壯骨紙錢半陌曲勞  
兒女愁腸生死事不早日回頭好春光覺容易過擊拂

子云會麼莫向杜鵑啼處宿沾衣血染滿山紅

上堂恁麼恁麼揭諦揭諦不恁麼不恁麼波羅揭諦  
恁麼中不恁麼波羅僧揭諦不恁麼中却恁麼菩提  
薩婆訶總不恁麼時如何喝一喝云大悲觀世音來  
也便下座

生日上堂僧問敲鐘擊鼓請師陞座如何是慶壽一  
句師云惡水由來不自潑進云逢人則不出出則便  
爲人去也師云現成惡水莫相澆乃云山僧未出母  
胎時有一則語包天括地越聖超凡記持將來不覺  
已經三十七載總未曾輕易與人說著而今旣蒙固

請若弗爲說又成辜負不免說去也罷綠樹陰濃夏  
日長樓臺倒影入池塘水晶簾動微風起一架薔薇  
滿院香忽有箇漢云和尚和尚此係古詩干未出母  
胎時什麼閒事祇向他道逢人但恁麼舉良久喝一  
喝下座

聖蓮爲師祝壽上堂僧問正綱肅紀則不問良誕到  
來是如何師云古木叢青靄進云一種沒絃琴惟師  
彈得妙師云遙天浸白波進云學人也須禮拜師打  
云不可放過僧喝師又打乃云自咲生平無一長微  
賁蕩盡走他鄉當時若果能安分也免今朝起禍殃

禍殃既起帶累諸人要橫不得橫要豎不得豎是卽是就中也有許多光彩豈不見黃梅翠竹枝枝葉葉競添籌燕語鶯簧句句聲聲增勝麗微風颺寶座瑞果獻金僊一番貶駁一番新一度讚揚一度快山僧與麼告報不知面皮厚幾重試問諸人還會也無卓拄杖云撇開凡聖虛名號貶駁讚揚兩不干

上堂舉雪竇云世事悠悠不如山丘卧藤蘿下塊石枕頭這般底有甚用處喚起了打師云大小雪竇有棒只解打別人不知自己教阿誰打長慶道世事悠悠不如山丘卧藤蘿下塊石枕頭這般底甚有用處

喚起來喫杯茶何以如此街頭趁酸紛紛是誰肯休  
心冷似冰

薦父請上堂生死原無二相去來寧有兩人但能一念回機便見當體解脫驀豎拂云看看令先嚴文仲居士來也在山僧拂子頭上說道昔日忘本據今朝證舊容靈明嘗不昧端坐碧蓮中又擊拂云却被山僧一擊遂把不住騎佛殿出山門踣跳上三十三天築著帝釋鼻孔直得須彌峯峇海水波騰大千世界悉皆震動敢問居士還信得及麼倘信得及不須陟蛄空瞻望莫大之恩已畢酬設或未然聽取一偈新

田水漲亂啼蛙無限圓通絕覆忽地耳根輕拶破  
舉頭時自見阿爺復連擊拂子下座

請化士上堂砂盆潦倒全無力遠映連天秋水碧疇  
肯同心出手扶重爲古寺莊顏色莊顏色休擬測五  
湖烟景有誰爭自是不收收便得

馮清太脩薦上堂生身父母恩重丘山何以補報難  
之又難每到年年時節好影堂空自淚闌干記得教  
中有一道真言號聰明王能滅業障但肯信口熟念  
管取現存獲益亡過超昇以至歷劫究親多生父母  
亦得藉此解脫遂合掌云唵阿盧勒繼娑婆訶良久

云念已念也薦已薦也畢竟伊爺娘在什麼處無生  
國裏惺惺不妨惺惺瞋睡隨他瞋睡若要大家相見  
擊拂子云總在這裏看取下座

還山上堂別去溪楓冷歸來陌柳新雖然歲序改不  
改舊時人舊時人既在這裏且作麼生相見指筇側  
立小橋畔笑指金山爛熳春

上堂世出世間百年夢境愛人愛物一副慈腸所貴  
泰而弗驕老當益壯試看南山古栢歲久亦覺深蒼  
政當此際隨緣一句如何話會湘簾捲起無餘事坐  
對梨花翫月明

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

嘉興府海鹽縣劉門朱氏法名超浩捐貲助刻

受金粟請寄辭衆云昔年八月長慶來仙友庭前花  
正開今年四月金粟住黃鸞聲老綠楊樹來也住也  
合自然當人要識同風句溪山雖隔共一天鼻孔眉  
毛厮結拄有破砂盆極力撐增輝祖道乃先務莫教  
鶴怨與猿驚石徑荒涼又宿鷺負我從前片片心殷  
勤故此力分付分付卽不無今日事作麼生臥龍奮  
迅碧波中青霄直上布雲雨

嘉興府海鹽縣劉門朱氏法名超浩捐貲助刻  
所先嚴養村公先慈呂氏張氏早生蓮界者

百癡禪師語錄卷第三終

百癡禪師語錄卷第四

嗣法門人超宣等編

嘉興金粟山廣慧禪寺語錄

師於順治戊子夏就本山首座察受請闍四月初八  
入佛殿云佛之一字吾不喜聞今日又特地作甚麼  
金鏃慣調宜百戰冤家偏撞對頭人

伽藍堂你卽是我我卽是你旣已出手相扶應須徹  
首徹尾

祖師堂說白道黃懸羊賣狗用盡已心笑破人口帶  
累不肖兒孫依舊隨他群隊走

支那

百癡禪師語錄卷第四

撰述  
據室此室如縵天網子從上宗師在這裏魚龍蝦蟹  
不知生擒了多少傳至山僧也知收藏弗得有負命  
者試出衆踣跳看

拈護法啟增輝佛日普扇真風須憑諸大護法筆尖  
上流布將來還見麼摩霄俊鶻便合乘時脫或未能  
聽取下面註腳

合山疏同門出入板拍相從以何爲驗半幅全封再  
煩維那宣讀方信繇來意氣濃

指法座毘城借座分外干求作禮燈王自納敗闕何  
似這裏高突突露堂堂要上便上更無餘人敢近傍

拈香云者瓣香爇向爐中端爲祝延

今上皇帝聖躬萬歲萬歲萬萬歲伏願地天交泰洛  
書兆五福之休箕翼長明虹瑞錫萬邦之慶者瓣香  
奉爲闔朝文武郡邑尊官護法紳衿在筵勲貴伏願  
福祿深於巨海壽算等乎喬松者瓣香最初用一番  
勤苦如啞如聾末後蒙幾頓鉗錘透頂透底六回拈  
出端爲傳曹溪正脉三十五世前住此山現住天童  
費隱容老和尚不惟報德酬恩且要大家委悉上首  
白槌云法筵龍象衆當觀第一義師云第一義作麼  
生觀直饒觀得已落第二義了也然陽春雪曲和者

還稀社舞村歌到處合調衆中有人不妨互相證據  
僧問杲日當空照萬物此時陞座是如何師云有眼  
者見進云衆姓有請嘗護念猶如順水開順舟師云  
速禮三拜進云向上單提直指法九十九峰盡點頭  
師云不勞讚歎問如何是賓中主師云闍黎惟自許  
如何是主中賓師云脚下水泥深如何是主中主師  
云吹毛光燦爛如何是賓中賓師云眼裏無瞳人進  
云主賓道合全提露草偃風行得自由師打一棒  
賞汝問寶座新登瑞氣充法王法令建綱宗當陽拈  
出毘盧印八面從他起疾風且道八面風來如何相

接師云倚天長劒逼人寒進云奪食驅耕須用備雙  
行照用是如何師云照顧性命進云明頭暗頭俱棒  
接總不恁麼又如何師云轉見不堪進云不因大悲  
院裏供懸鈴普化局何圓師云知音者少進云恁麼  
則溪山皆點額草木盡生光師云閒言語乃云神光  
不昧萬古嶽猷祇此靈鋒阿誰敢擬達磨大師不會  
當頭句却向嵩山面壁九年致使末學紛紛奔南走  
北覓禪覓道將謂有心可安有法可付殊不知劒去  
久矣方乃刻舟若是箇漢終不坐老鼠窟裏廝相錮  
鏹掀翻是非窠曰截斷今古葛藤正令全提千機頓

赴譬如塗毒鼓一擊則聞者喪身又如獅子筋琴一奏則衆絃絕響且政當此際畢竟功歸何所諸人還會得麼康僧尊者竭盡神通密雲師翁德業尤大殿堂脩廣樓閣洞開衆檀護和氣藹然百千佛香花環衛鷗弓願掛無多事率土歌謠賀太平復舉僧問投子如何是一大事因緣子云尹司空與老僧開堂師云投子恁麼荅話雖則樸質十分要且驚群動衆新金粟則不然如何是一大事因緣但向他道橫吹玉笛鷗灘上九九奇巒盡點頭久立衆慈伏惟珍重下座

立知事頭首劉超然請上堂梅檀叢林梅檀圍繞獅子叢林獅子圍繞既共在此圍繞則或左或右各適其宜隨高就低無可不可生死根滅我慢山摧騰踏當前光揚法化然據實論量雖裨益叢林固多究竟是汝自己一生受用處委悉麼令予轉憶龐居士天上人間不可陪

上堂脩行日用事無差酌水焚香供法華玉磬夜敲殘夢斷一棚蟾影漾袈裟若道恁麼非脩行無有是處若道恁麼爲脩行笑殺傍觀透脫兩重曰窠別有生機一路向百草頭上倒卸鎗旗元上座甘心墮拔

舌地獄何故不合教壞人家男女然雖如是棋逢敵  
手難藏妙詩到重吟始見工復云時當孟夏節屈麥  
秋北窓豈可高臥老農告我田疇幸遇鹽城人設供  
大家肚裏飽餉飽則不無未審將何報蒼鷲豎兩  
拳安頭上云南山水牯殷勤看汝若忙兮他便休  
結夏上堂僧問護生須是殺殺盡始安居未審殺箇  
甚麼師云多少人疑著此事進云出匣龍泉劍紅光  
射斗牛師云切忌妄通消息乃云以大圓覺爲我伽  
藍黃梅時節家家雨身心安居平等性智青草池塘  
處處蛙黃面老二千餘年舊制美則美矣只是諸方

不宜遵行爲例引得無限平人此日時共作鬼家  
活計如猢猻入布袋討什麼快活靈利衲僧聞恁麼  
道便乃通身踴躍掉臂而去新金粟縱有潑天手段  
這布袋頭一毫也用不著其或未然隨例結去也遂  
拈拄杖卓云結結結豎起脊梁硬似鐵疑團撥破眼  
睛開大地山河齊漏泄齊漏泄誰辨別千鈞擔子上  
肩來一回飲水一回噎復卓拄杖下座

衆護法請上堂僧問齋主巍巍臨法座請師說法句  
如何師云寶鐸受風響中天耀日紅進云一回衝破  
鐵城關得意風流在現前師云自知較一半進云禮

拜去也師云舊話不堪聞乃云一大藏教武緯文經  
直指人心金聲玉振與麼與麼添得青翳落眼中不  
與麼不與麼食在口邊乾嚙唾若是夙承記蒞底亦  
無許多之迭輕輕捺著便行坐斷威音王透過空劫  
畔穿衣喫飯歷落全真芸閣松軒任情嘯傲故曰何  
似生遼天鵲萬里雲祇一突畢竟如何門庭赫奕光  
咸賴三世輪屏四海傳復舉玉泉皓禪師因東坡居  
士叅次便問尊官高姓坡云姓秤乃秤天下長老底  
秤泉喝云這一喝重多少坡無對師云盡道東坡大  
儒秤子折却誰知玉泉老宿一秤便上當時東坡若  
知有轉身句敢保天下長老不柰伊秤何雖然也須  
扶起玉泉喝一喝

端午上堂僧問年年此日是端陽應時及節句請師  
道師云不須戶上懸蒲劍百怪千妖盡遁藏乃云懸  
碧艾於扉前東村王老俗氣繫彩絲於鬢用五陵公  
子風流金粟門下不學這般去就單單駕一隻沒底  
鐵船先請文殊普賢把舵次請觀音勢至搖艫頃刻  
之間上至三十三天下及空輪水際無一處不遍無  
一處不周歡喜者從他讚歎無窮不歡喜者隨伊誹  
謗百出爲甚如此自從悟得空王旨是非與我不相

于卽今莫有乘輿而來共出隻手者麼良久云錦標  
在握等閒奪得始驚人一曲浩歌莫學靈均沉死水  
下座

中夏上堂六月初一是中夏日勢炎炎如火炙炙得  
禪流不柰何通身白汗如瓶湯說什麼鎮州蘿蔔重  
幾斤又誰管他廬陵米作麼價只要薰風市地來自  
然脫體清涼百病消化良久云有智人前莫妄傳無  
智人前莫厮罵

沃雪庵上堂有句無句平地波瀾非色非心橫空劔  
戟拈來便用諸人向甚處出頭踏著便行諸人又向  
甚處摸索不若相席打令曲順時宜道箇沃雪庵前  
新水滿趙家橋畔綠陰多僧俗統攝以同源今古洞  
然而靡間快活極其快活風流一任風流會麼現成  
美景擡眸覷免待亡羊泣路岐復舉布袋和尚云彌  
勒真彌勒分身千百億時時示時人時人自不識師  
云大小布袋不打自招山僧此者路見不平要與他  
華劈一上彌勒真彌勒少賣美分身千百億這野狐  
精時時示時人費力作麼時人自不識切莫壓良爲  
賤或有路見不平底我要問他布袋擲擬議不來豎  
頭便棒

興、福院上堂直指之宗初無別法只要當人識得本命元辰而已此本命元辰靈靈不昧了了常知自幼而壯壯而老日用行持安家立業莫非全承渠力但能返照回光便見透脫分曉祇如分曉後又作麼生毘盧頂上高高立不被巡官暗地推

上堂僧問竿木隨身逢場作戲學人上來請師演唱師云拍拍是令進云好語令人聳嶽音動地天師云知音罕遇乃云竿木隨身逢場作戲既蒙固請寧敢推辭看看山僧今日向興福院中再演一劇去也遂豎起拂云還見麼卽此見非他見擊拂云還聞麼卽

此聞非他聞良久放下拂云聞見既忘復是何物就這裏撥開線路爍破機關便可與山僧把臂登堂操無絃琴唱沒腔曲使遊人韵士同賡大雅之風釣叟耕夫共賞過雲之調如斯慶讚豈不美哉所以道妙舞應知誇徧拍三臺須是大家催敢問衆中還有恁麼人麼喝一喝

海寧慶善寺上堂僧問橫身荷衆不顧危亡忽然要津把斷時如何師云看君不是金牙作進云倘有衝風抵浪底來又作麼生師云爭解彎弓射尉遲僧再進語師云果然果然問于家托鉢大衆飽叅慶善一

句如何指陳師云是處是慈氏無門無善財乃云花  
光浮古縣竹影蔭空庭書坐清人耳新禪四五聲政  
當恁麼時且道是境耶是心耶是迷耶是悟耶是諸  
佛機耶是祖師西來意耶黏皮著骨底未免疑慮多  
端越格超宗底便解斬釘截鐵豈不見當年大慧杲  
於薰風南來言下脫落汗衫張無垢居士聞月夜蛙  
鳴忽然摸著鼻孔屈指經今數百載寧云土曠與人  
稀就中可有一箇半箇驀地知歸全身擔荷若到山  
僧面前這一頓黑漆拄杖也少不得是事且止回向  
底句作麼生道法雨普霑無少剩慶雲常覆善人家

卓拄杖下座

持鉢歸上堂七佛軌儀衲僧巴鼻猪肉案頭橫三監  
四大家去去復來來短巷長街無處避無處避常言  
開口告人難今日方信入山擒虎易然雖如是匹上  
不足匹下有餘

請化土上堂赤衷荷衆罔顧艱危擗起布裙入泥入  
水金粟門下豈無其人祇爲當作等閒看故此不能  
容易得山僧此者權將十方世界指出幾處與汝橫  
行濶步活捉生擒可中有具牙爪底英靈自然如慣  
戰良馬聞鑼鼓聲渾身痒簇簇地政當此際竭力一

句如何道但得已心堅似鐵他心雖鐵也須穿

鮮夏超凌馮氏請上堂靈苗秀植巾幗丈夫紛華不染宴坐一爐打掃糞堆搗搗獲收赤水明珠捧向諸方開賣美佳聲流播滿江湖且道是阿誰行履若也識得此人日消他八斗黃金供養未爲分外如無九夏功成金風葉動諸人東去西去途中忽遇著凌行姿攔胸把住切忌口裏膠生莫謂山僧不道破好復舉僧問趙州如何是道州云牆外底僧云不問這箇道州云你問那箇道僧云大道州云大道透長安師頌云大道透長安天晴莎草乾秋涼更快便去去有

何難可惜這僧脚步短舉頭惟見黑瀾漫

中秋上堂明月幾時有把酒問青天古德恁麼提唱雖則豪放可嘉未免當前蹉過爭似我此時此夜浮雲捲盡看朦朧直出滄溟上碧空盈手水光寒不濕流天素彩靜無風阿呵呵好大哥假饒馬師父子來也說卽有分

上堂昨因茂林楊居士偕令室陳氏入山設齋請陞座舉揚般若懺罪祈壽山僧一夜思來笑去無有箇華言羨句可以奉酬忽於半寐半醒時夢見古佛與露柱相交賓頭盧尊者忍俊不禁彈策而歌曰玉露

零兮桂子香蛩音楚兮小窓涼消息真兮人能委罪  
花謝兮鶴笑長歌畢恰值風吹葉響一覺翻身原來  
是夢大衆昨夜與麼夢今朝與麼舉汝若道是無夢  
說夢未會山僧意在更或道是夢中說夢也未會山  
僧意在畢竟如何是夢不立非夢亦非滿院秋光澹  
欲滴鴛鴦飛上釣魚磯卓拄杖下座

開爐上堂僧問陽春節屆大展宗風四衆臨筵請師  
直指師云籬邊菊正開僧禮拜云可謂金粟頂上一  
枝秀也師云幾多遊賞客到此盡迷蹤乃云金粟今  
日開爐柴火甚是猛利不許退後尋思那容進前擬

議直饒生鐵鑄就底到來也須肉爛皮焦逼塞無處  
出氣驀拈拄杖云惟有這條拄杖子從本列列掣掣  
沒巴沒鼻常在於其中神通及遊戲敢問諸人拄杖  
子有何奇特得與麼閒閒地良久卓一卓云但能於  
此捷承當勝似牟尼親授記復舉雪峰示衆云世界  
濶一尺古鏡濶一尺世界濶一丈古鏡濶一丈玄沙  
指火爐云這箇濶多少峰云如古鏡濶師云二大老  
一唱一和音律鏗然簡點將來猶被守爐神看破何  
故不合向淨地上妄生節目

上堂千僧井水一滴滴滴入諸人心肝獨彘鼓聲一

聲聲透入諸人耳朶灼然與麼去猶滯半途直須一口吸乾一椎擊碎始得有般漢聞怎麼道便云某甲已吸乾了也擊碎了也似這等見解祇可瞞惑諸方若在金粟面前正好勘過了打卓拄杖下座

上堂僧問昔日王常侍問臨濟云這一堂僧還看經麼濟云不看經侍云還坐禪麼濟云不坐禪侍云教他作甚麼濟云總教伊成佛作祖去和尚這裏亦看經亦坐禪成箇什麼邊事師云隨條逐例進云倘有格外人來和尚如何相待師云頂門三千腦後八百進云八臂哪吒來又作麼生師云也須喫一頓僧禮

拜便喝師打云放過卽不可乃云象骨蛇子湖狗劍樹牙血盆口渾身流露沒遮藏觸著轟轟怒雷吼怒雷吼兮孰敢櫻南山跳動北山驚若能拖出畫槌殺萬里塵消宇宙清有麼有麼如無劈面來也何處回避下座以拄杖打退

入塔上堂世尊升忉利天爲母說法目連下一十八重地獄度母艱辛仁孝之道從上賢聖莫不皆然故我原白道友於母氏存亡之日服勤送終各盡其分始也山花啼破子規血請我封龕今也霜風凜冽刮人寒請我入塔如是爲伊母說法法法全該如是度

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百城元日言金卷第四

十一

伊母艱辛頭頭得度既然恁麼且道伊母元吉庵主安身在什麼處不在地獄與天堂佛界魔宮信步彰一道靈光無背面根塵迥脫露真常還有與他相見者麼舉拄杖云不因這箇木上座人前幾盡眼如羊復卓一卓下座

冬至上堂僧問今朝節屆冬至透漏衲僧巴鼻如何是衲僧巴鼻師云前村荒草裏梅花放兩三花進云恁麼則前三三後三三也師云是少僧喝師便打問群陰剝盡一陰復來不涉陰陽一句作麼生道師云石筍暗抽條進云更有梅占百花香師云汝還折得

陽

一枝麼僧呈坐具云觸破和尚鼻孔師云自己觸破也不知乃云把定洪鈞千峰削色放開線道萬卉回春雖陰消陽長之有時亦日上下下之易逝是汝諸人作麼生不為所流轉去擊拂子云夜來雲靜山銜斗捲起疎簾欲睡遲復舉瀉山問仰山云仲冬嚴寒年年事畧運推移事若何仰山進前义手立瀉云情知汝荅不得這話却顧香巖巖云某甲偏荅得這話瀉云子作麼生巖亦進前义手立瀉云賴遇寂子不會師云明投暗合線去絲來縱奪可觀轉身有路若是山僧見伊义手進前各與一頓趁出這裏挨得身

支那

丁巳年正月廿五日

三

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

丁亥年正月

十三

轉後代兒孫不致寂寥還會麼殺人刀活人劍

觀周居士同夫人屠氏壽誕懺經上堂僧問香烟超出三千界燭影搖光透九霄如何是祝壽一句師云百人數珠數不足進云謝師答話師云放汝一頓棒問石女謳歌格外僊音擢海嶽木童拍手壺中雲練塞天池政當恁麼時誰是知音者師云自有老維摩在進云祇如徐居士同老夫人壽誕請師陞座未審將何祝壽師舉拂云領盡此時心進云恁麼則壽算等虛空福增於大海師云慶快之詞不妨再吐乃云金剛體露堂堂般若智照無方城頭畫角聲三美苑

內寒梅破雪香便與麼直承當大家聚首向古皇弗用五千四十八福自綿延壽自長既到這裏須菩提正好喚來掇桌黃面老也只得合掌讚揚如未何妨帶累許多驢漢朝朝暮暮數墨循行數到今朝娘生日果滿功成慶吉祥且如何是慶吉祥底句委悉麼劫石可盡年不盡常在堯天日月傍復云趙州統禪牀一匝雖則海藏徹底掀翻未免遭人簡責龐蘊公將家私沉湘水盡道輕財邁俗看來狼藉太多爭似金粟大衆受矚誦經一藏還他一藏非惟無可簡責亦足見檀護自他普利功不浪施普利卽且止祇如

支那

丁亥年正月

七

無述  
下城府前高文公口  
一四  
山僧適纔怎麼舉唱還契他尊意也無良久云不須  
特地申三祝已信高山暗點頭

洞明請上堂終日無事挂臨濟棒驅馮山牛搥普化  
鈴唱雲門曲熙熙焉皞皞焉不記月之大小歲之餘  
閨松巖竹塢隨箕踞以徜徉酒館茶樓或寓懷而笑  
罵且道此人是凡耶是聖耶若道是凡因甚解怎麼  
地若道是聖因甚只怎麼地通方上士一舉洞明固  
執之流未免疑慮山僧抖下屎腸與汝等註破去也  
是聖是凡無處著非凡非聖無著處人人鼻孔各遼  
天逆行順行合本據君不見大鵬展翅蓋十洲籬邊

燕雀徒自啾啾去喝一喝

上室若欲叅究此事如諸人要入金粟山一般行至  
二里便見一里境界行至廿里便見廿里境界及乎  
行至山中便見山中境界康橋鎖岸寶閣凌空松竹  
交陰鼓鐘迭響一一瞞汝不得歷歷各自分明是則  
固是丈室前有箇門限爲什麼跳不過佛殿內有塊  
方磚爲什麼踏不著設或於此踏得著跳得過方許  
汝親到金粟大坐當軒與諸白牯薰奴于于喁喁互  
相賡和且畢竟賡和箇什麼遂拍手云年年臘月一  
山含玉梅開收拾家中寶扁舟喜再來若再來霜天

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

皎月任徘徊是汝諸人還知金粟極力相為處麼復  
拍一拍下座

含虛化士請上堂空手出山去乘風滿載歸暗驢草  
料足相對笑微微政當此際熱鬧門庭則不無未審  
化者施者孰難孰易良久云難則總難易則總易復  
舉其贊行者因藥山化主到門便問甚處來主云藥  
山來其云來作甚麼主云抄化其云將得藥來麼主  
云行者有甚麼病其捨銀兩錠意謂山中有入此物  
却回無人即休主便歸納疏山問云子歸何速主云  
問佛法相當得銀兩錠舉前話已山云速送還他子

著賊了也王送還其云繇來有人遂添銀施之師云  
大小藥山雖則賊智精明看來亦覺膽小當時若是  
山僧祇分付庫司收入登簿云某日收其行者買藥  
銀兩錠頓令行者背地裏疑殺忽有箇漢出來道和  
尚與麼大似乞兒見小利也許他道得一半

梅溪四衆請上堂石鞏架隻箭誤陷平人鐵磨忒子  
湖自投羅網傳大士道冠儒履浪賣風騷臺山婆驀  
直指程難瞞具眼這一隊男男女女各各負衝天志  
氣分門列戶稱鄭稱楊今日却被山僧一把捏住拋  
在塔前了也直得赤骨體絕安排日炙風吹藏身無

地聲聲叫道人不仁如禮何人而不仁如樂何山僧小時曾念這兩句書不覺觸著放頭隨伊分身前去且道伊分身在什麼處舉拄杖云家住梅溪作活計相邀這裏獻珍珠無端又累頭陀手描邈虛空入畫圖復卓云漏逗不少便下座

臘八界如玉亭請上堂僧問今朝打失娘生莫累及兒孫帶水泥播揚家醜拈向一邊未離堯率以前請師直指師云蠱毒之家水莫嘗僧提坐具云釋迦來也請師答話師云一棒遣出進云莫便是雲門棒麼師云汝試分析看僧作怕勢云幾乎喪身失命師云

自彰其醜問明星未見時如何師云河清海晏見後如何師云惱亂春風卒未休乃云鳳閣龍樓不肯住甘心雪嶺受饑寒擡眸忽契星前旨解向通衢把釣竿呈拄杖云這箇是釣竿那箇是釋迦老子這箇是釋迦老子又喚什麼作釣竿於此明得便可大方獨步到處稱尊高揖毘盧奴呼彌勒不邀福而福自集秦溪涌萬里之波不求壽而壽自遐金山峙千年之栢其或未然臘月初八日定是釋迦悟時節干諸人分上什麼閒事復舉晦堂心禪師頌云瞿曇失却眼晴時雪裏梅花只一枝而今到處生荆棘却笑春風

惱亂吹師云這四句頗從來未曾有人舉著元上座  
今日舉也荆棘叅天脚跟下各自仔細好

因雪上堂僧問銀世界玉乾坤大地分明絕點塵未  
審如何得到恁麼田地師云不是一番寒徹骨爭得  
風光分外新乃云瑞木飛花普賢境界示現梅梢噴  
玉大悲手眼全彰政當此時海天一色龍象交叅不  
必騎驢上灞橋頓發騷思何待山陰撥夜棹始遺知  
音團圞坐對火爐頭拍手高談無義話和氣藹然可  
掬眉稜勃勃生春可大師持刀斷臂卽不問汝諸人  
應庵老祖吟雪詩一句作麼生道自從舞得三臺後

欸乃人聆也解頤

追薦上堂撒下娘生襪倒撐沒底舟故鄉田地好一  
去不回頭風颭颭浪悠悠觀音搭索勢至撩鉤現成  
受用多般也本有清光觸處周雖然如是以拂子卅  
云更須向這裏翻身始得復舉古時尼法海禪師於  
遷化日說偈云霜天雲霧結山月冷涵輝夜接故鄉  
信曉行人不知師云法海尼尋常得這著子到臨末  
梢頭可謂詞鋒灑脫去住自由智庵庵主在生道念  
堅固死後人人共知爲什麼屈指五六年至今杳不  
見信息咄咄咄力口希霜天雲霧結山月冷涵輝莫

祇這箇便是麼喝一喝云猶是封皮下座

春日上堂冥帝乍回春信至禪翁歷歷有何謂杖藜  
獨立小橋頭笑問桃花開也未桃花向我道已開可  
惜靈雲不再來一曲詞終花落盡秦山空自碧崔嵬  
下座

歲日上堂僧問如何是新歲景師云秀色溢林端如  
何是景中人師云來手去萬如何是格外新條師便  
打進云覲面相呈又作麼生師又打云還不知痛癢  
問年新日新萬物咸新祝聖一句請師指陳師云日  
月光天德山河壯帝居進云共和謳歌去也師云未

爲分外問鳳曆頒春祖令時令互顯龍天煥彩法輪  
日輪齊光元旦上堂如何施設師呈拄杖云孤根自  
有擎天勢不比尋常曲朶枝進云宗風遠播禪衲雲  
臻未審作麼生冷鑄師便打進云恁麼則和尚拄杖  
子撐天拄地去也師復打乃卓拄杖云靈符在握殺  
活全彰祖令當行十方坐斷今日新正開封去也瞿  
曇達磨悉聽指揮德嶠韶陽不敢咳嗽其餘瓦棺老  
漢依草附木精靈正好朝打三千暮打八百忽有不  
耳底出來道幸然四海清如鏡何必與他結怨讐山  
僧到這裏也只得放過一著爲甚如此萬事無過和

氣好聊攜斗酒話昇平靠拄杖下座

人日請上堂靈辰節屆日暖天晴佳人公子呼伴踏  
青窈窕窈窕輕輕盈盈折得褪粉梅花三枝兩朶東  
也行西也行行至路轉峰回處驀地相逢覩著一點  
春光描固描不就畫又畫不成驚得黃鸝四五聲山  
僧與麼說話且道有佛法道理也無若道無經云一  
切資生產業治世語言皆與實相不相違背又作麼  
生分付桐鄉衆善士殷勤好向此中泰

上堂一年已減十朝光影如駒過隙慚愧我出家兒  
日用有何所益靈雲桃趙州栢春風陣陣來是處都  
狼籍急須覩透本根切忌枝尋葉摘忽然本根覩透  
時又且如何驪珠滾起浪花瓮無限平人遭點額復  
舉法眼因僧慧超問如何是佛荅云汝是慧超僧悟  
入師云法眼恁麼抵對正所謂痠病不假驢馱藥能  
彈何用玉絲絃這僧悟去亦覺可人簡點將來猶有  
事在且道是什麼事咄玄沙道底

上元日解制并請薦亡上堂僧問今朝解制則不問  
雪灑元宵時如何師云惱殺夜行人乃云火樹銀花  
合星橋鐵鑽開暗塵隨馬去明月逐人來衆兄弟也  
好箇快樂時節耐耐燃燈古佛與天官菩薩搖頭不

肯云一切衆生皆以快樂成大苦惱輪迴惡趣無有  
休期我等今日發慈愍心不循俗例要伊各各向大  
洋海裏剔起真燈烈燄爐中撈起全月方可超生了  
死任運騰騰說是語已忽然不見衆兄弟還識得他  
落處也無若識得他落處則人人全月現前毛孔眉  
尖添瑞彩在在真燈不昧腳頭脚底露風光上與諸  
佛同源下與衆生合命乃至過現未來幽顯親疎亦  
得藉此神通當體解脫更有送行小偈一併舉似春  
草碧色春水綠波解開袋口去去如何踏倒蒼龍窟  
趯翻野犴窠他日歸來重會面娑羅樹下舞婆娑阿

呵呵方信繇來意氣多喝一喝下座

聖節上堂天地之道博也厚也高也明也悠也久也  
今上皇帝聖壽亦復如是是以白玉塔前歡聲震沸  
黃金殿下瑞氣奔騰仰舜德之無私祝龍樓之永固  
草野微忱何以報端居丈室效華封

孫信庵領衆請上堂衆生本不曾迷雨過山禽繚亂  
啼諸佛本不曾悟白雲常覆門前路悟迷生佛屬多  
端徃徃瞞人祇自瞞何似渴而飲饑而餐各安其位  
天寬地寬興來垂幕篆烟繞斜抱絲桐叶韻彈只如  
今華亭衆善信到山亦不妨與他細彈一曲遂橫按

拄杖作撫琴勢云行路難行路難萬里晴空舉目看若不聽流水爭知轉別山卓一卓云山僧却被諸人勘破了也便下座

薦難亡上堂僧問生前發願死後了酬和尚肯大放慈光棒頭拯接否師云徧界不曾藏進云恁麼則亡靈蒙指示永劫侍空王去也師云好語大家知乃云在生爲善脩行臨歿如何惻慘若非前報之因定是業緣所感以拄杖卓云山僧薦拔了也已故二位覺靈就這裏開眼翻身便信塵世無活人黃泉無死漢本有主人公隨方絕畔岸更說什麼病苦憂亡又奚

須論刀傷斧斷寶華彌滿佛來迎九品蓮臺常顯煥復卓一卓云還見二位覺靈麼擲下云擬著卽錯便下座

大悲生辰上堂蛤蜊藏身鷹巢示現陝右灘邊手把羅扇大小大悲惑亂人看來也是慣得其便何似年年二月十九日桃破腮柳垂線黃鸝枝上聲聲囀面目分明不須別薦薦不薦法堂前原古佛殿只如將錢買胡餅放下手却是饅頭又作麼生喝一喝云伶俐衲僧要見便見

上堂畫乾坤世界在諸人眼裏諸人眼在乾坤世界

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百變神目

三

中此際收拾得來諸人瞞山僧不得設或當前蹉過山僧瞞得汝諸人然雖如是好事不如無

錢草臣同夫人祈壽請上堂有德必壽有壽必名泉溢流能遠蘭舒味自馨况當人壽量本無延促歷始劫以至來際實是現成實現成錦上鋪華仔細聽呈拂子云願得鬚眉如此老却教龜鶴羨長齡復舉王常侍問臨濟云這一堂僧還看經麼濟云不看經侍云還看禪麼濟云不看禪侍云教伊作甚麼濟云總教伊成佛作祖去侍云金屑雖貴落眼成翳濟云將謂汝是箇俗漢師云常侍已是煨過精金臨濟可謂

鉗錘本色一時王賓唱和固足觀光據今日較量猶欠一著在且道那裏是欠一著處具眼禪流試請辨看

祈晴上堂僧問連朝雲霧鎖虛空把斷乾坤不露踪今日吾師陞此座杖頭點出一輪紅政當一輪突出時如何師云擺手踏新青進云農夫齊拍掌野老任優游師云恰是恁麼時節乃云久雨不晴纔晴又雨東舍西隣望空叫苦一者竈無柴燒二者鍋無米煮三者菜麥爛根四者牀頭積水我出家兒高堂廣厦雖則受用多般默坐思量鼻孔無處矚眼也太苦哉

支那

百變神目

三

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百卷加口言金卷第四

十一

既然如是普請大眾佛殿裏燒香同演蓮經妙義伏  
望捲盡濃雲絕點埃紅輪湧出玉樓臺普天匝地陽  
和氣白牯薰奴笑滿腮且畢竟以何為驗遂舉拂子  
打圓相云還見麼下座

超輝顧氏請上堂僧問歷劫來事則不問薦揚一句  
是如何師云脚下無拘繫香雲入蓋浮進云畢竟水  
須朝海去到頭雲定覓山歸師云靈利人難得乃云  
無計留春住殷勤請薦夫山僧默許可依樣畫葫蘆  
以手打圓相云這箇是葫蘆底樣子已故承溪馬居  
士就在這裏脫落根塵惺惺寂寂識破去來如夢幻

了知生死等空華是即是亦須撲碎始得復以手作  
拋勢云葫蘆撲碎了也直得淨裸裸赤灑灑無倚無  
依自由自在煩惱海中為雨露黃金地上起風雷是  
即是要且無有證據展兩手云山僧一總證據去也  
珍重亡靈乘此時脚跟處不虧危行人急向機先  
薦莫待空山叫子規喝一喝

上堂巖頭和尚用三文錢索得箇妻祇解撈鰕擔覘  
不解生男育女直至如今門風斷絕山僧不用一文  
錢索得箇妻也解撈鰕擔覘也解生男育女直至如  
今門風有賴大眾要識山僧妻麼舉拂子云歷劫相

王文那

百卷加口言金卷第四

十一

隨只這是荆釵裙布我難拋

上堂春已暮蜀魂夜半啼高樹誰家遊子肯歸來惱  
殺落花紅滿路紅滿路留不住回思年少得幾時短  
髮如銀無數數幕呈拄杖云惟有這箇木上座赤骨  
律絕差互一步肩持潤一步若人解透意中玄管取  
堂堂全體露卓拄杖云全體露也意中玄咏擲下云  
擬籌量何劫悟

嘉興府海鹽縣劉門朱氏法名超浩捐貲聊刻  
祈先嚴養朴公先慈呂氏張氏早生蓮界者

百癡禪師語錄卷第四終

百癡禪師語錄卷第五

嗣法門人超宣等編

嘉興金粟山廣慧禪寺語錄

佛誕華亭蔡雲臺請上堂僧問昔日世尊初生今朝  
和尚陞座當人分上則不問現前祥瑞是如何師云  
寶蓋颺空進云恁麼則頭頭顯露法法全彰師云料  
掉沒交涉進云法鼓一聲天地濶慶雲遍覆萬人家  
師云塞却汝耳根問菩薩圓戒時如來出身處是同  
是別師云同則總同別則總別進云祇如雲門要打  
殺畢竟具什麼眼目師云也是爲他閒事長無明進

云丹霞聞戒掩耳而出又作麼生師云可惜今日不遇其人進云一大老雖則各展家風爭柰沾池泥水請和尚別傳一令師云都與三十棒僧禮退師乃云天清地寧世康道泰驢名馬字何處得來釋迦老子不合向毘藍園內放屁以至臭氣狼狼籍籍塞滿閻浮有棒也打他不著有水也澆他不入年年此日是渠誕辰雪屈酬恩底車載斗量何可勝計金粟雖然不涉這兩頭也只得曲徇時宜相席打令還知麼花過園林新蔭濃琅玕脫笋綠叢叢閒欹枕挹薰風一甌晴雪畫樓中政當此際誰是人誰是我誰是釋迦

老子誰是維摩大士性相平等鼻孔通同把手共行了無向背福源不斷華亭水壽比九峰萬古青良久呈拄杖云拄杖子作證明去也便下座

師生日結夏祝夫人七旬請上堂萬物一體天地同根鷲鷲騎象撞倒崑崙遊遍大千圓覺海生前總是舊乾坤山僧今日錦上鋪花一舉兩得衆中有應時應節觀體歸元者便知山僧本命元辰落落處若知山僧本命元辰落落處便知佛祖本命元辰落落處若知佛祖本命元辰落落處便知祝老夫人七十年來本命元辰落落處灼然不屬男女相瑞氣盈門福壽添腦後圓

光山嶽高安居常履伽藍地還有末後一句子如鼠咬鐵釘未肯容易與諸人說破且待九夏功成之際別作論量

隱野長老請上堂三十九年前無雲萬里天三十九年後一步強一步政當二十九袖破露出手廣慧室內添籌金粟山頭點首驀然一喝迅如雷鼠怪狐妖沒處走諸禪流還會否會則道我賣美風騷不會道我簸揚家醜家醜風騷只自知年年初度在斯時常愛畫樑紫燕呢喃語也有對對腳花水際飛擊拂子下座

請上堂家居脩善行把手入山堂設食供清衆信心豈易量須知信之一字乃成佛作祖基本了生脫死根由但能念念弗忘心心靡間管教懺罪罪滅求福福生豁開無爲寔相門一超直入如來地雖然祇如古者道心不是佛智不是道又且如何到這裏十影神駒追之莫及銅睛鐵眼覷之不能汝等諸人莫有互相契證者麼良久擊拂子云昨夜珊瑚枝擊碎今朝梅雨漲前溪下座

海寧占鰲塔院上堂一溪長水碧於鰲舞棹揚帆逸興多幸遇知音相證據不須靜處薩婆訶驀豎拂云

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

看看山僧鼓兩片皮去也道源不遠弘之在人性海  
非遙得之由已已得則滿眼滿耳處處現成人弘則  
普地普天頭頭合轍有時主賓互換走廼奔鰲有時  
照用齊施旋風驟雨有時慈悲落草黃葉止啼有時  
倏喜倏嗔三頭兩面所以道大人行履不尋常觸著  
眉稜解放光萬別千差都燦破明如杲日照虛堂且  
如何是放底光有人識得酬償施主有分其或未然  
莫道不疑好遂搖曳拂子下座

解夏上堂僧問解制一句如何指示師云緊峭草鞋  
進云不解不結一句作麼生道師云鼻孔依然向下

垂乃云金風颭颭來木葉蕭蕭下袋口解開時禪和  
要告假芒鞋兩翅生短策光相射結伴走諸方了叅  
作話欄驀逢無眼人彼此互矜許付囑爛如泥全身  
都倒卸這般魔魅多真箇可嗟訝願汝聽吾言法哉  
且待價復舉世尊因自恣日文殊三處度夏迦葉擬  
白槌擯出纔拈槌便見百千萬億文殊世尊云汝欲  
擯那箇文殊迦葉無對師云文殊脫體風流迦葉渾  
身賣俏是卽是可惜放過這一槌只如不放過又作  
麼生黃面瞿曇沒量大也教無處可藏羞卓拄杖下  
座

中秋龍華韶明禪師至上堂僧問金風滿院皓月當空化外來賓焦桐一曲且道座中還有知音同和者麼師云大衆普瞻進云踏得祖翁田地穩須知出手大家耕師云不勞闍黎讚歎乃云午夜燈花開寅朝野鵲噪不知兆若何原是知音到知音既到也則有禮有樂有主有賓眉端喜溢握手情親秋月團團兮應廣庭之律呂秋風颼颼兮掃寥沈之飛塵全機大用當堂露引得禪流話轉新話箇甚麼同門骨肉膠和漆世上於今見幾人

上堂桂子放秋香莎鷄泣壞墻單傳直指意靚體露

堂堂諸人果與麼會去入地獄如箭射

重陽上堂澹然金菊映秋光底事無人泛玉觴翻憶陶潛舊池上肯教和草過重陽大小雲峰誠所謂見賢思齊焉見不賢而內自省也然雖如是未免埋沒當人爭似我這裏秋光欲滴金菊乍開底事明露各各徘徊良久喝一喝云陶潛去後盡相識何用白衣送酒來

陳紘世薦母上堂夜臺不復曉三載杳沉沉請我明垂示須知佛是心驀呈拄杖云急薦取謾哦吟踏翻生死海裂破有無襟騰騰脚下忘拘束腦後毫光湧

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

良規神目記卷第五

五

萬尋且畢竟向什麼處去卓一卓云國土動搖迎勢  
至寶花彌滿送觀音復舉五祖演和尚室中問僧云  
倩女離魂那箇是真底僧下語無有契者後普融藏  
主頌云二女合為一媳婦機輪截斷難回互從來往  
返絕蹤由行人莫問來時路師云諸人還識得普融  
頌意麼如未敢借古詩一首為伊頌出客舍并州已  
十霜歸心日夜憶咸陽無端更渡桑乾水却望并州  
是故鄉

開爐上堂僧問百日禪期箇箇放下腰包向七尺單  
前坐看未審看箇甚麼師云七尺單前且坐看進云

識得了也師云識箇甚麼進云和尚眉毛眼上橫某  
甲鼻孔大頭垂師云與汝一棒作麼生僧一喝歸位  
師乃云玉將火試金將火煅不改異常光明燦爛若  
是鉛汞砒硃到這裏已百雜碎了也所以山僧數年  
來開爐冶運鉗鎚拏拏波波費盡柴炭只要求箇精  
金上眼美玉當前爭柰土曠人稀相逢者少可中有  
不受屈抑底往往自謂懷金無識價抱璞枉遭刑似  
則固似是即未是大衆既似矣為什麼却未是何樓  
市物真和偽到底行家不可瞞  
白衆出隊上堂世尊敕阿難持鉢勞累他人長汀撒

支那

五部佛經卷第五

六

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

布袋街頭賣美自己金粟此者勞累他人則不可賣  
美自己又不能只得領十餘輩同向烟村水國布網  
垂鈎忽然遇著錦鯉長鯨衝風駕浪敢保滿載歸來  
有日在且臨行白衆一句作麼生道分手暫時各自  
愛法城久衛莫辭艱

到平湖百安上堂法無定相杖藜在處起清風道不  
虛行脚底隨方添瑞彩明明沒塞礙歷歷絕囊藏譬  
如萬頃湖光平吞群象扁舟隻釣任我優游到這裏  
亦何必窮妙窮玄說心說性究理究事立境立機只  
就當人本有上撥動星兒便見薰天炙地耀古騰今

希奇中感希奇殊勝中現殊勝不惟信得滿城男女  
盡是金仙乃至十方世界草木叢林總是恒沙劫千  
佛數脫有箇漢出來道和尚與麼指陳誠所謂順水  
推舟借路經過若是逆風把舵陸地揚波則未在山  
僧只向他道闍黎大有見處然雖如是不因兩岸輕  
垂手爭識吉人萬壽多

徐思泉病中披剃改宅爲善護庵上堂鬚髮未除盡  
道思泉居士伽黎纔搭却是善護老僧僧相既具正  
好秉智慧刀披忍辱鎧破愚癡病滅煩惱魔與從上  
佛祖共躡齊肩方是大丈夫漢所以道善哉大丈夫

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百城所居金卷第五

能了世無常棄俗入泥洹希有難思議雖然更須知  
有超佛越祖底漢能向無明窟子裏放無量寶光於  
衆生境界中作大饒益事直得乾坤大地蠢動含靈  
一一現千百億化身不消一捏是汝今日還解恁麼  
領畧也無脫或未能百鳥不來年已過茫茫空作住  
庵人

到龍華上堂僧問昔年粟嶺分燈今日龍華發燄王  
賓道合一句請師舉揚師云舞換臨溪樹歌饒向午  
風進云恁麼則故人相見垂目低眉師云十八灣前  
路行人若箇知俊民居士問九十峰頭箇箇青山點

首十八灣畔曲曲流水朝宗未審金粟與龍華是同  
是別師云一點水墨兩處成龍進云如是則一堂風  
冷澹千古意分明師云作麼生是分明底意士云學  
人今日幸遇和尚師云速禮三拜士拜起云相逢雲  
影外獨立磬聲邊師打云這一棒放汝不得乃云龍  
華殿上古佛舒光寶塔簷前祥雲散彩百步橋長懸  
不斷陰陽井清濁全彰山僧今日到來祇可將常住  
物私做人情若要現三頭六臂手段用奔流度亦機  
關自有堂頭法兄在爲甚如此自出洞門無敵手得  
饒人處且饒人

支那

百城所居金卷第五

八

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

孫述

百樂部同慶卷第五

張澤西來上堂凜冽霜風透骨寒片帆輕曳入雲間  
幽懷欲與舊交論好鳥聲聲已代宣然雖如是未可  
徒然且聽木上座橫三豎四去也遂呈拄杖云祇這  
箇一切諸佛從此出歷代祖師從此傳天下衲僧從  
此安身立命會中倘有明眼道流直下覷透戶牖豁  
開自然觸境逢緣了無窒礙或太平橋畔攬蜆撈鰕  
也得或黃浦渡頭隨波逐浪也得或西來庵內飽食  
高眠也得或張澤街前陶兀鑄聖也得所謂得底人  
恁麼也得不恁麼也得恁麼不恁麼總得政當此時  
山僧把手共行一句作麼生道以拄杖卓云錯腳踏

翻水底月奔騰驚起赤虬龍

出隊歸上堂舉五祖演和尚云出隊半箇月眼不見  
鼻孔忘却祖師禪拾得箇骨董且道向什麼處著一  
分奉釋迦牟尼一分奉多寶佛塔師云山僧則不然  
出隊四十日鼻孔依然在風雨雖多侵珍珠贏滿載  
歸來不隱藏當衆爲分派一半抵窳家一半償舊債  
且道多寶佛塔與釋迦牟尼又將什麼供養良久云  
幸自慈悲弗用笑怪

上堂喫粥了也洗鉢盂去潦倒趙州討甚巴鼻且這  
僧爲什麼便悟無端誤聽關山曲不是征人亦淚流

支那

百樂部同慶卷第五

九

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

五城四國風俗卷五

九

下座

行皓五旬上堂臘月初一好箇消息屋後梅開千峰  
寒色普請諸人著眼看免教過後空相憶休相憶年  
年輪換有何極所以道去年如是今年如是乃至明  
年後年無不如是既皆如是慶讚一句畢竟作麼生  
話會五十脩來皓月明生生皈命婆伽國

上堂僧問如何是奪人不奪境師云張公醉倒街頭  
睡如何是奪境不奪人師云舉頭不見長安路如何  
是人境兩俱奪師云黯淡豐山昔日秋如何是人境  
俱不奪師云今年禾稻熟處處見太平乃云古佛心

只如今澄水浸虛碧寒風助暮砧明明歷歷無人會  
可笑空拋境上尋記得當時洞山問興平云如何是  
古佛心平云汝心便是山云雖然如是猶是某甲疑  
處平云恁麼即問取木人去大眾洞山與麼問興平  
與麼荅莫是慈悲落草真寔相爲麼且喜沒交涉莫  
是直截單提箭鋒互柱麼且喜沒交涉有能於此箇  
點得出許汝親見興平其或未然打麵還他州土麥  
唱歌須讓帝鄉人

臘八上堂說箇觀星悟道人人快眉揚要伊六載  
脩行箇箇腰酸骨痛殊不知不入滔天浪稱意魚從

支那

行禮維新語彙卷五

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

何得來設或有過量底便向棒頭取證喝下承當未  
後波吒敢保亦免不得金粟到這裏又作麼生珊瑚  
枕上雙行淚半是思君半恨君

上堂金谷羅幃風流子弟玉堂錦軸蓋世英豪雖然  
軒耀誇人未免關心得失爭似我衲僧門下不越分  
而守不擇地而棲富貴霞千縷文章水一溪閒來倚  
杖峰前立笑聽華禽繚亂啼且道衲僧門下尋常得  
箇甚麼便能如是展手云休於別處覓只向此中尋  
下座

海鹽觀音寺上堂僧問樓閣新光普門示現和尚今

日陞座如何是爲人一句師云拄杖一條振古風進  
云隨處放光明去也師云汝且莫眼花乃云古鹽城  
外海濶波平福業堂前天高地迥亘古亘今無向背  
超聲越色絕遮藏三世諸佛迭典惟此一事歷代祖  
師直指亦此一機叅學上流夙有器骨者一聞于悟  
直下承當便能透生死關出有無見撒手那邊行履  
現身此界提持譬如獅子趯翻玉欄干誰人羅籠得  
住象王掣斷黃金鎖呼喚竟不回頭政當此際驀劄  
相逢則且止慈光普覆一句作麼生道呈拂子云八  
方寧謐咸歸順總在乾坤化育中復舉古德偈云秋

江清淺時白鷺和烟島良哉觀世音全身入荒草師  
云這老漢尋常神出鬼沒落草爲人被古德一言道  
盡不覺手脚俱露山僧今日未敢與他鬪富只要普  
使諸人共知遂以拂子敲香几三下云還見觀世音  
麼便下座

歲旦上堂僧問昨夜泥牛鬪入海輕輕放過今朝木  
馬嘶春風惱亂當陽如何是惱亂當陽一句師打云  
拄杖正開封進云恁麼則莫孔遼天去也師云脚跟  
下猶未點地問曹溪昨夜迎新歲雪嶺梅花吐舊香  
請問和尚拄杖子是新耶是舊耶師云逢人但恁麼

舉進云彩龍有角吞宇宙畫虎回頭趨入雲師打云  
也要喫一頓在乃云佛法無人說雖慧不能了况復  
值年朝如何靜悄悄搗鼓出陞堂香雲四處繞拄杖  
倒頭拖袈裟忘裏表問著口莫酬還空指白鳥大衆  
且道金粟與麼是歡喜耶著忙耶若道是歡喜年年  
好年有什麼歡喜處若道是著忙我爲法王於法自  
在著忙箇甚麼於此涇渭得出正好山門擺手寶殿  
鞠躬見僧賀僧見俗賀俗見白牯狸奴賀白牯狸奴  
如弗然者庚寅歲君所司時令又向閃電光中打鞦  
去也遂拽拄杖下座

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百鍊神異錄卷第五

鄭旦復保安薦嚴請上堂凡所有相皆是虛妄若見諸相非相即見如來驀呈拂子云喚作拂子得麼喚作拂子是相不喚作拂子作麼生是如來就這裏諦當分明三十二分爛葛藤釋迦老子運糞漢善現啟請好肉剜瘡人天奉行納敗不少直得淨裸裸絕安排千處光輝萬機歷落至於行住坐臥享福享壽享富貴多子孫悉皆承渠儂威力政當此際還識得令先嚴落處也無擊拂子云風前有路超調御九品華開劫外春

信庵等請上堂問師登寶座將何法指示人師云昨

夜六花飛牙簷渾砌玉進云爭奈紅日當空照遍界暖烘烘師云不易道將來士拂袖歸衆師云恁麼去也乃云日融融風浩浩葦亭江畔古猶今雲霧羃草茸茸金粟峰頭常顯露不是目前法亦非心外機拈出自光鮮用著更痛快與麼說話皆諸方普請會底山僧此者擬別行一路算去思來總跳不出憶得古詩有兩句頗相近堪與一切人脫却貼肉汗衫未免借爲流布下嵩山兮多所思攜佳人兮步遲遲松間明月長如此君再遊兮復何時良久高聲召云居士居士舉首師云各須記取下座

支那

百鍊神異錄卷第五

七

上元日解制上堂僧問結則水泄不通解則七通八  
達水泄不通則且止七通八達是如何師云擺手出  
山門進云恁麼則橫行宇宙無人過十字街頭唱哩  
哩師云任汝舉揚乃云梅檀林中猶有雜樹老鼠窟  
裏必無金毛諸人若要撥草瞻風也須具箇繙素眼  
且如何是繙素眼卓拄杖云燈月交光難比况行行  
不被影光瞞復舉天童密師翁因僧問雲水盡從今  
日解重樓傑閣鎖何人翁云天無四壁僧云恁麼則  
草鞋猱似虎拄杖活如龍也翁云走殺闍黎師云一  
轉語這僧欲去去不得一轉語這僧欲住住不得當

時若是箇漢決不恁麼便休莫有去住自由者麼出  
來爲這僧作主與金粟相見

上堂世尊拈花南泉指花碓甯生花露柱開花帶累  
山僧拄杖子夜半無端也放花臺呈拄杖云這箇是  
拄杖子阿那箇是放底花擲下云空花空花切莫眼  
花

薦母請上堂百骸俱潰散臘盡寒氷泮一物鎮長靈  
懸空杲日明百骸潰散終歸土紙聚大蟲原是虎一  
物長靈甚處安等閒觸著骨毛寒天衣懷與麼道完  
完全全今日却被山僧註得七葦八裂了也敢問諸

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百城初集卷之五

仁者還識胡氏一物長靈麼卓拄杖云杖頭點出無瑕翳處處該通自在身

侍者居士請上堂數日不說禪口邊生白醜齋主偶臨門隨風登曲彖曲彖既登且畢竟說箇甚麼惹山青秦木綠金鷄飛上玉欄宿看來何似布毛吹得得酬人顛倒欲雖然祇如龐居士道日用事無別惟吾自偶諸汝等又如何話會一六時中能返觀末言配命定多福

心月五旬請上堂一二三四五六七七六五四三二一縱橫逆順數將來日日分明是好日去却七拈著

一八臂哪吒下手難千眼大悲辨不出說箇依稀半月彷彿三星大似畫陀添足之談更說箇光吞萬象無物比倫猶是金龜莫刮之疾何如舉止翩翩聽信前緣饑餐渴飲晏坐困眠胡盧任彼傍觀者盡道偷閒學少年良久云山僧拄杖子爲伊推本命元辰去也遂拈拄杖卓一卓下座

何孟甫請上堂僧問春風浩浩花含笑春雨濛濛草噴青如何是金粟境師云藏樓外有千僧井進云一曲胡笳新意氣從教大地悉知音如何是境中人師云大家聽取進云某甲會也師云會箇甚麼進云但

支那

百城初集卷之五

七

見黃鶯啼翠柳不知流出洞中春師云學語之流僧拂袖歸衆師乃云如何是佛丹里山頭光突突如何是法廣濟橋邊鬧聒聒如何是僧姿羅樹下步騰騰三寶根源已直指尋枝摘葉我無能若人於此承當去管取胸中絕愛憎絕愛憎事事應團團渾共聚瑞氣自雲凝復舉泗州僧伽大聖因問者云子何姓荅云姓何云何國人荅云何國人師云有者道大聖不曾姓何不曾何國人直是好笑笑須三十年有者道大聖決定姓何決定何國人也與笑三十年有者道大聖不合說姓何不合說何國人更與笑三十年殊

不知大聖如鏡照鏡似空印空汝若意識搏量早已蹉過了也委悉麼到底還他肌骨好不搽紅粉亦風流

上堂僧問如何是西來的的意師呈拄杖云一枝別是太和春進云一句全彰真機獨露師云可憐不遇攀花手進云有水皆舍月無山不帶雲師云狼籍轉多乃云書可讀道可脩浩浩塵中得自繇男效耕女效織生涯本分承誰力只者數語大有來因惟許當人就地默契方知成佛作祖也在此安家立業也在此產子育孫也在此了生脫死也在此故俞婆市油

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百城洲記卷第五

七

餐龐公賣竹漉從上風規凜凜今日豈是無耶政當  
斯際互出隻手一句作麼生道但願東君齊鼓盪年  
年吹入我門來

含虛化士請上堂粒米寸絲淨檀汗血堆箱積稟化  
士勲勞是汝諸人也須念德脩德知恩報恩雖然祇  
如中間有箇大關提漢禪不叅道不會前街後巷開  
三毒華酒肆茶坊結無明果且道此人合受供養也  
無若調合受供養朝禮楞嚴暮誦般若底又向甚處  
取食君不見毘耶彼上人謗佛毀法眾不親滿鉢盛  
來香飯美走殺空生撲面塵拈拄杖作舞下座

清明上堂三月屆清明扶筇陌上行行行與未歇半  
喜半疑驚舊塚添新塚歌聲和哭聲如何塵世客不  
早學無生且無生作麼生學喝一喝云相逢莫下馬  
各自奔前程

密老和尚像開光上堂僧問正眼傳來不覆藏兒孫  
千古共聯芳一鋪功德今成也願請吾師爲舉揚師  
打云祖不了兮殃及汝進云恁麼則輝天鑑地去也  
師云聲前句後一時收問鐘鳴鼓響大眾雲臻寶座  
高登將何指示師云七尺烏藤全正令進云如何是  
末後句師云且禮拜去進云到此還有事也無師打

支那

百城洲記卷第五

七

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

百城神聖卷第五

七

云教休不肯休直待雨淋頭進云何勞一片老婆心  
師云莫錯會好乃云銅棺絕頂突出雙睛情與無情  
煥然等現此師翁最初之光也踞六大刹丕振濟宗  
緇素雲屯名傳紫閣此師翁出世之光也示寂通玄  
峰巒變白四方聞訃如喪所生此師翁末後之光也  
卽今若子若孫遍天遍地總是師翁不盡餘光所攝  
更說箇飾像開光大似佛頭上扇塗污不少是汝諸  
人要見師翁不盡餘光麼山僧徹骨徹髓普爲點出  
去也拽拄杖下座一齊打散

花進云恁麼則意在目前也師便打乃云春事闌珊  
芳草歇落紅處處聞啼鳩偶然憶著舊窳家夢破五  
更腸欲折大衆還識舊窳家麼佛祖是舊窳家拄杖  
子是舊窳家三藏十二部是舊窳家卽汝與我也是  
舊窳家既是舊窳家理合各各回避爲什麼抵死不  
肯放捨有人道得接手句許伊主賓互換照用同時  
設或未能造福者獲福造壽者獲壽張公喫酒李公  
顛總不干諸人星子事

張啟英請上堂九九百半青半白項短二寸頭長  
三尺相對無言獨足行神光閃爍射衣袂應機遊戲

支那

百城神聖卷第五

七

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

下城加官卷第五

兮大千刹土不爲寬隨物道藏兮醮螟眼裏不爲窄  
釋迦彌勒是他奴臨濟德山空蹶踏試問此者是何  
人擬議頂門轟霹靂拈拄杖卓一卓喝一喝  
保安上堂萬法歸一掬水月在手一歸何處弄花香  
滿衣及乎道箇青州布衫重七斤却又添許多筌索  
英靈漢窺籬不入捩匙不嘗直向未啟口已前一扯  
百雜碎然後於官街大路濶步橫行使一切人危者  
安迷者悟如母得子如暗得燈始有其語分山僧恁  
麼道理上也合事上也合若有不合者佛法必無靈  
驗政當此際因齋慶讚底句如何話會寂寂豈幃凝

瑞氣嶙嶙彩筆湧祥光

求剃度上堂流轉三界中恩愛不能捨棄恩入無爲  
真是報恩者錢氏超巖子處三十餘載棄捨恩愛已  
久茲從常熟得得來求度報恩又作麼生說箇入無  
爲底道理驀拈拄杖卓云無爲門開也就這裏討箇  
入路全心卽佛全佛卽心動靜語言頭頭解脫山華  
紅映水弗羨陳婆家風筋笠戴欺人豈乏實際機用  
四恩盡報三界齊超如是功圓寧不羨哉雖然古者  
道出家乃大丈夫事爲什麼女人得度試各下一轉  
語看衆下語不契師云可惜無人證明下座

支那

百麗市書院卷五

七

霞章淡月爲師慶四旬上堂僧問和尚年年慶誕未  
審木上座年多少師云也與山僧不較多進云恁麼  
則無量壽佛現也師云且莫隨語生解進云瞞某甲  
不得師云却被我瞞了也僧一喝歸衆師乃豎起拂  
子云摩竭陀國親行此令萬派消聲千差打迸可笑  
飲光潦倒末後自入坑穿帶累幾許虜孫到處說性  
說心稱楊稱鄭金粟贏得日長無事倚欄干望見舟  
里山下秦皇廟前有一座藤聚石橋冷與碧波相映  
只是不許動著爲甚麼蔡三郎行年本命復舉僧問  
趙州和尚壽年多少州云一串數珠數不盡師云趙

州有年有德語不虛發忽若問金粟卽今年多少祇  
向他道羅公羞把佳絲繫古路揚眉口嬾開良久喝  
一喝云是何言歟便下座

上堂無明卽佛性萬幅楊烟藏古鏡煩惱卽菩提千  
畦麥浪漲前溪也無佛性無無明鬧市紅塵信步行  
也無菩提無煩惱拈匙把筯隨時好隨時好須及早  
莫言烏兔尙堪留蹉過一生空到老

佛誕入塔上堂世尊未出世達磨不西來政當此際  
也好箇太平時節迨夫王宮降誕少室流芳便見風  
景迭遷生死交謝一猱吠虛千猱和一家有事百家

忙殿裏底麻三斤杖林山下竹筋鞭韶陽打殺狗子  
喫總是墮坑落塹賊過張弓金粟此者怕見斷井繩  
只可坐觀成敗冷地唱涼州若欲逐浪隨波實未敢  
在且畢竟如何晨朝登壇說戒中普衆受齋齋前  
爲正宗禪德入塔除此之外更無他事

梅溪自慧請上堂久遠碧眼胡懶讀也之乎今日請  
陞座尋思半句無忽於狼籍堆頭拾得一本多年曆  
日仔細閱過元來是月也躡脚鳴苦菜秀靡草死王  
爪生且喜應時應節有箇抵塞處所以道有一句子  
到汝塞却汝耳無一句子到汝啞却我口不作平常

流布莫作奇特商量叅學上流未審如何通信良久  
云梅溪水接秦溪水儂壽山同渠壽山

結夏上堂纔結又解纔解又結罕遇猓龍多逢跛鼈  
謂是鉤頭不妙屈辱生平謂是巨貨全無太欺英傑  
切切切怎分雪釣竿斫盡竹重栽弗計工程得便歇  
復舉佛果遠祖因僧問西天結夏以蠟人爲驗未審  
此間以何爲驗祖云以眉毛爲驗僧云還許學人出  
得麼祖云更取上看僧云只恐覷不著祖云長底長  
短底短有什麼覷不著師云佛果雖具本分草料未  
見截鐵斬釘且據實論量眉毛有什麼驗處若問金

撰述  
粟只向他道以眼睛爲驗待他開口進前劈脊便打  
下座

香國爲祛非師入塔上堂問金粟山頭則不問先師  
入塔意如何師云海神知貴不知價留與人間光照  
夜國禮拜師乃云昔年此地曾同榻今日依然又到  
山誰謂形骸生死隔清光歷歷不相瞞何故蓋爲伊  
在本師會下經受惡辣鉗鎚透畧是非窠臼所以生  
無生相死無死蹤全體是大解脫門絲毫外物難搖  
動迄茲安藏宰堵戶牖常局坐斷溪雲包羅風月且  
作麼生與伊出氣卓拄杖云峻嶒寶印當空妙百市

千重錦篆新

尼思慧請上堂僧問雲水海會則不問諸佛出身句  
若何師云經聲含石浪塵尾拂溪烟乃云北溟有魚  
其名爲鯤鯢之大不知其幾千里也化而爲鳥其名  
爲鵬鵬之背不知其幾千里也大衆喚作鯢又是鵬  
喚作鵬又是鯢喚作卽鵬卽鯢似屬顛預喚作非鯢  
非鵬未具辨別眼可中有不受人謾底出來打鼓弄  
琵琶欣逢兩會家也許伊綠槐樹下飽食高眠碧石  
堦前談天說地若或隨群逐隊影響全無非惟取笑  
莊周抑亦負慚自己看看結夏今已六日也自己事

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

卷之三

三

畢竟作麼生良久云可憐此意希相識令我徘徊憶  
末山

上堂行清張氏請我上堂一者祈壽二者薦亡祈壽  
必添鶴美薦亡定往西方不是乘虛談世諦人人自  
有好風光這風光絕覆藏星輝彩魄月映前廊綠楊  
倒影池塘鬧鳥夢驚回過短牆要得母子相見麼驀  
豎拂云死死生無別路時臨菱鏡謾悲傷

送法衣上堂僧問錦上添花則不問靚體離披事若  
何師云拈來光宇宙進云法淨師爲和尚慶誕未密  
如何指示師云水漲船高泥多佛大進云恁麼則人

天共仰大衆咸聞師云此語果不虛傳乃云迦葉攜  
歸鷄足巔老盧持過大庾嶺何似山僧繚亂披等閒  
坐斷千峯頂然雖如是拈起衣角云且道這箇今日  
從甚處得來若也知得來處鋪紅綴紫全彰本有靈  
光曼玉雕金不昧當人正眼重重無盡事事圓融如  
華嚴法界無邊香水海悉向這裏一時開現政當此  
際還是山僧受用耶諸人受用耶祖月凌空圓勝智  
誰家松檜不青青

朱承宇請上堂僧問不惑年來道力充見聞弗隔利  
無窮今朝四衆齊傾耳諦聽單傳向上宗如何是向

支那

京都市哲學史館

三

撰述  
上宗師卓拄杖進云向上宗已蒙指示政當慶壽意如何師云普進云與麼則道風奕奕彌寰宇壽算綿綿滿芥城師云莫錯下名言乃云尼山不惑子與不動我際斯年虛空簸弄兔角杖碎月敲雲龜毛拂羅龍打鳳雖則幾處呀呀吒吒今日看來總是南柯一夢良久喝云分付諸人各自知何須亂走覓糟甕復舉僧問雲門如何是諸佛出身處門云東山水上行又僧問佛果果云薰風自南來殿閣生微涼師云扶持宗乘曲引時機還這二老漢始得金粟則不然如何是諸佛出身處驀頭便棒何故曾經大海休誇浪

除却濃煙始見山

上堂佛法要妙作者方知治世語言不相違背二十一點骨骰子賭去有輸有贏三十二員爛木頭著來全生全殺機關截利手眼精明奇在未舉之先笑出白拈之外故曰雖小道必有可觀者焉致遠恐泥君子不爲也且如何是君子所爲底驀拈拄杖卓云銀山鐵壁都槌碎迦葉聞風也皺眉

上堂欲言言不及林下好商量現前山河大地明暗色空信口道來有什麼言不及饑則喫飯倦則打眠隨意受用有什麼好商量良久云昨夜三更雨過窓

今朝滿地花如織

上堂世事華開華謝人情潮去潮來惟有一尊古佛  
長年伴我徘徊汝且道是那一尊毘婆佛耶釋迦佛  
耶樓至佛耶咄莫錯認好

嘉興府海鹽縣劉門朱氏法名超浩捐貲  
耶刻祈先嚴養朴公先慈呂氏張氏早生  
蓮界者

百癡禪師語錄卷第五終



紙通

新編加國三島全史卷之二

紙通

四廿五

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8